

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

Laetitiae Perfectae Artificivm In Conscientiae Recta Efformatione  
inuentum, & per Adventvales Conciones expositum ac demonstratum

**Sarasa, Alfonsus Antonius de**

**Antverpiae, 1667**

Tractatvs XVI. De poenâ tam Sacramentali, seu à Sacerdote satisfactionis  
ergô poenitenti impositâ, quàm vltroneâ seu sponte susceptâ.

**urn:nbn:de:hbz:466:1-11367**

## SEPTIMVM CONSCIENTIÆ OFFICIVM

Pro pœnis peccato debit is satisfacere.

## TRACTATVS XVI.

DE SATISFACTIONE SACRA-  
MENTALI ET VLTRONEA.

Quoniam ego in flagella paratus sum , & dolor  
meus in conspectu meo semper. Quoniam  
iniquitatem meam annuntiabo , & cogitabo  
pro peccato meo semper. *Psal. 37. v. 18. 19.*

*Quo jure imponantur à Sacerdote mulctæ pœnitentibus , &  
quantum obligent. An semper graues injungendæ , ut  
volunt nonnulli , & an bæc fuerit praxis veteris Ecclesiæ,  
& mens SS. Patrum. Commendantur pœnitentia sponte  
susceptæ ; earumque fructus multiplex , & usus varius ostenditur.*

## PRO O E M I V M.



Uod in foro externo , etiam vbi criminum præ-  
stanta est gratia , à Principibus rectè exigitur ,  
id etiam in Diuino Misericordiæ tribunali video  
obseruari. Etenim quamuis isthic , reo sua crimi-  
na fide bonâ jam confessio , vitæ concedenda sit  
gratia ; tamen seueritatem misericordiæ admis-  
cet Princeps , mulctamque aliquam reo imponit : tum quod ita  
exigat criminis condonandi enormitas ; tum quod mulctæ persol-  
uendæ

DE SATISFACTIONE SACRAMENTALI. 501

uendæ obligatio, beneficij præstigi memoriam refricabit reo, ma-  
jore nque inducet legum reuerentiam & obseruationem. Non a-  
liter sanè nobiscum agit, misericors sit quantumuis Deus. Cul-  
pam omnem, pœnasque æternas, peccatori crimina sua rite ex-  
ponenti, liberalissime concedit; multas tamen exigit, imo im-  
ponit; quo jure, mox videbimus. Satisfactiones hæ vocantur,  
& sunt: quas quidem vtroneas esse patitur: & sponte oblatas, re-  
fert in computus, debitique solutionem. Alias tamen legitimè à  
Sacerdotibus imponi vult, & à pœnitentibus acceptari: & sunt  
ea, quas Sacramentales dicimus. Magna inter has est differen-  
tia; quam quia nonnulli non obseruant, aut sanè dissimulant,  
turbant omnia, clamore magno, fructu nullo. Itaque in duas  
partes diuidenda est oratio. Et primò quidem exponendum est  
quod pœnas in Sacramento injunctas spectat; quo jure exiguntur;  
quantum obligent; parvæ an magnæ passim imponendæ.  
Deinde quid de pœnis vtroneis & afflictationibus corporis di-  
cendum sit; quantum his placet Deus; quanta ex iis ad pec-  
catorem emolumenta obueniant; & tandem quâ ratione sanctum  
hoc carnis fuæ odium sit exercendum.

§. I.

Vnde post remissam culpam, satisfactionis existat obligatio.

Satisfactio duplex est: voluntaria, & Sacramentalis. De-  
claratur quid hæc possit, utramque reuiciunt heretici, sed  
male, & contra sacræ paginae mentem.

I. **V**T rebus dicendis fundamentum substernamus firmum & so-  
lidum, illud ante omnia statuendum est; non ita semper aut  
Contritioni, aut Sacramento Pœnitentiaz per Sacerdotis indul-  
gentiam, criminum culpam condonari, vt etiam omnis omnino  
pœna iis debita, præter æternam, pœnitenti illico remittatur, sic  
vt nihil quidquam luendum restet. Pluribus hoc nunc agere non  
est animus, quod alias fortasse fusiùs prosequemur. Instituto  
meo sufficit, Tridentini Concilij decreto id esse sancitum. Ita  
habet. *Sancta Synodus declarat, falsum omnino esse, & à verbo*

*Condonata  
culpæ, non  
semper con-  
donatur  
omnis pœ-  
na peccati  
debita.*

Rrr 3

Dei

Dei alienum , culpam à Domino numquam remitti , quin uniuersa etiam pœna condonetur : perspicua enim & illustria in sacris litteris exempla reperiuntur , quibus , preter Diuinam traditionem , hic error manifestissime renuncitur . Certè scelerum gratiam , culpe inquam condonationem obtinuerat regius Psaltes : & tamen pœnam omnem criminis debitam , ne effictum quidem eam deprecando , à se potuit auertere . Ita sacræ testantur litteræ . Et dixit David <sup>2. Reg. c.</sup> ad Nathan , peccavi Domino . Dixitque Nathan ad David ; Do-<sup>12. v. 13. 14</sup>minus quoque transtulit peccatum tuum ; non morieris . Verumtamen quoniam blasphemare fecisti inimicos Domini , propter verbum hoc , filius qui natus est tibi , morte morietur : nequidquam nisus est David jejunio obstinato , corporisque afflictionibus , pœnam ex dolore morituri pueri orituram à se amoliri , accidit enim die septimæ ut moreretur infans . Condonatâ culpâ , pœnas tamen remissi sceleris exigit justus Deus : non est ergo disputandum ulterius , an peccati obtentâ gratiâ , culpâque jam remissâ , pœnæ tamen à reo possint exigi ; nisi injustum fortasse velimus Numen dicere , quod has à Davide sibi per pœnitentiam reconciliato exegerit : exegit nihilominus tam severè . Indubitatum hoc & Sacro-sanctum Ecclesiæ orthodoxæ dogma , instituti mei jam non est pluribus demonstrare ; neque quod exinde consequitur , satisfactionem meritò postulari , vbi iustum est quod debetur ,

2.  
Ex hoc principio ritè stabilito , & ab ipsis jam inde Ecclesiæ sanctæ incunable , ab omnibus Christi fidelibus legitimè percepto , ortum duxit , primò quidem pœnarum corporisque afflictionum voluntaria liberaque suscepitio ; vigiliarum juniorumque , vti & cilicinarum vestium , quin & verberum sibi inflictorum sanctus usus ; quō pœnis à se Deo debitum , & aut hīc incussis flagellis , aut purgatoriij igne expiandis satisfacerent , easque persoluerent in antecessum . Secundò ex hoc nata est satisfactionio quam Sacerdos pœnitentibus , dum culpe gratiam concedit , nihilominus imponit . Quæ quidem quamuis ad essentiam Sacramenti non requiratur ( verum enim esset , absolutoris que virtutem omnem in condonandâ culpe reo conferret , etiamsi nulla prorsus à Sacerdote pœnitenti imponeretur multa aut pœna ) pars tamen integralis est , vt aiunt Theologi , & sine quā Sacramentum non esset partibus requisitis omnimodè absolutum . Sic vir captus brachiis , quamuis ei adsint omnia quæ hominem

Hinc pœnitentia voluntaria ortum habent.

item Sacra- mentales satisfac- tiones :

qua sunt pars inte- gralis Sa- cramenti.

hominem componunt, partibusque constet quæ humanam natu-  
ram constituunt, corpore inquam, atque animâ ratione præditâ,  
quorum gratiâ perfectus homo & est & dicitur; tamen quod parti-  
bus careat, quæ à corpore humano exiguntur, rectè negatur ho-  
mo integer, cùm tamen nemo possit ire inficias, quin homo sit  
perfectus.

3. Hoc verò pœnæ quæ à Sacerdote imponuntur habent eximij, & quod pœnitentibus stimulos dabit ad eas non acceptandas tan-  
tum facile, sed & ad persoluendas etiam animo libenti & prom-  
pro; quod longè majorem ad satisfaciendum virtutem habeant,  
præ ijs quas sponte suâ reus suscipit. Adeò ut eadem prorsus ab-  
stinentia, aut oratio, aut eleemosyna, quam ex præcepto Confes-  
sionis quis exequitur, longè plura pœnarum debita expungat,  
quam si proprio pœnitentis exhibeantur arbitrio. In his enim to-  
tus ædionis præstite valor ex operantis est opere; in illo autem  
præter operantis merita, seruorem agentis, actionisque bonitatem,  
accedit summa præstantia ex opere operato, id est, ex meritis  
Christi, quæ per Sacramentum, Sacerdotisque jurisdictionem pœ-  
nitentis satisfactioni legitimè applicantur.

4. Neque parum attendendum est, quod satisfactionem sic præ-  
scriptam Confessionis præceptum esse dixerim. Ab eâ enim à Sa-  
cerdote impositâ, & à pœnitentre acceptatâ, nascitur in pœnitен-  
te parendi obligatio: quandoquidem tota hæc caussa virtute Clau-  
rium, & jurisdictione legitimâ peragitur; cui competit, non tan-  
tum soluere, sed ligare. Neque ab hâc mulctæ impositæ obligatione  
quisquam ritè absolvitur, nisi à legitimo judice; id est aut ab eo-  
dem, aut certè ab alio, qui juridicundo legitimam etiam habeat  
potestatem.

5. Quod si tandem istud queritur, quanta sit quæ pœnitenti in-  
cumbit parendi obligatio: respondeo, per uulgarissimam esse Theo-  
logorum sententiam, id pro pœnæ impositæ grauitate dijudican-  
dum esse. Et quidem si multæ leues sunt (v.g. quina orationis  
Dominicæ salutationisque Angelicæ recitatio) non nisi sub venia-  
lis peccati interminatione esse persoluendas. Quod si verò magnæ  
fuerint, ex inquam quæ communi prudentiæ hominum judicio  
vulgares non censentur (has autem non pauci Theologi ad rosari-  
um quinque decadum limitant) tum sanè mortalis incurrendi  
sceleris, si negligantur, noxiam induci. Quod sine dubitatione  
vllâ,

vllâ, si pro mortali crimine, & non pro venialibus solum fuerint injunctæ, judicandum est; cùm & grauis sit materia quæ omittitur, & grauis sit cauſa quæ justo præcepto dedit occasionem. At quæ hæc de Sacramentali satisfactione pro instituti mei breuitate, communique hominum praxi, dicta videntur sufficere: cætera quæ dici possent, Scholis relinquo.

**Hæretici**  
negant vltimam saſfactionem  
esse vulnem.

Istud tamen prætermittendum non est, non deesse, qui pro suo genio arrodere vti solent omnia, ita & satisfactionem ab Ecclesiâ sanctissimè usurpatam, conuellere, & infectari non cessant. Duplex est id hominum genus. Hæretici enim satisfactionem penitus omnem, contendunt, persoluendis peccatorum pœnis, prorsus esse inutilem; non eas tantum quas Sacerdotis imperium, sed & quas pœnitentis animus pro piâ affectione, liberoque assumit arbitrio. Etenim garriunt à Christo persoluta omnia, justum ab ejus Sanguine pro peccatorum debitis pretium appensum esse. Ac propterea per satisfactiones hominum, merita patientis Dei, vel obscurari, vel aliquâ ex parte saltem imminui. Pœnas itaque satisfactioni necessarias, vt euadant Nouatores hi, prout Concilium Tridentinum attestatur, optimam pœnitentiam, nouam vitam esse docent, ut omnem satisfactionis vim, & usum tollant. Nullâ itaque, ex eorum placitis, peccatorum pœnitudine aut detestatione opus est, peccata vt condonentur; neque vllis afflictionibus impetenda est caro sceleribus vindicandis, eluendisque eorum reliquias: tantum à peccatis abstinenter est deinceps, vitaque in melius efformanda, & salua sunt omnia. Placidum enim uero hominum genus, charitatisque & pacis imprimis studiosum. Adeò enim actiones omnes amoris trutinâ expendunt, & charitate dimiuntur quidquid agunt, vt nec sibi quidem, præ charitatis studio, irasci libeat, nec corpori proprio bellum indicere. Nescio sanè quid D. Paulo in mentem venerit, dum seuerus sui iudex, castigabat corpus suum & in servitutem redigebat: aut quo pacto id contigerit, vt qui visceribus charitatis complectebatur omnes, corpus proprium à tam benigno amoris amplexu excluderit. Nescio etiam cur in flagella se paratum, exclamat Dauid: nec cur iniquitatem suam pronuntiet, nec rursus cur cogitet id est sollicitus sit pro peccatis suis semper: vitam enim in melius commutauerat; neque antiquis implicata criminibus, sed noua prorsus ei ducebatur & innocens: vt quid ergo flagella cogitat, qui nulli crimi-  
ni,

6.  
Trid. fest. 14. c. 8.  
1. Cor. 9. v. 27.  
Psal. 37. v. 18. 19.

Refutan-  
tur.

ni, propter nouam vitam, est obnoxius? Nolo hæreticorum ineptiis refutandis diutiùs immorari. Plenæ sunt Sacrae paginæ, plenæ Patrum lucubrations, testimonijs, quibus sanctum hoc corporis petulantis odium commendatur; imò & præscribitur: plenæ sunt denique Sanctorum historiæ, castigationum & pœnarum, quas viri innocentissimi pro leuibus etiam noxis vindicandis, seuerissimè, & si carni accommodè loqui libeat, crudelissimè de se sumperunt. Apage igitur hæreticorum sese palpantium, carnique suæ molliter ab blandientium teneras voces, imò & temerarias. Pautiatur sanè nunc caro quæ justè meruit sufferre, vt non Spiritui tantum, hoc est animæ, sed & corpori benè sit.

## §. II.

*Graues & ingentes pœnitentias in Confessione passim imponendas esse, asseritur præter mentem Tridentini, à quo salutares & conuenientes dandæ præscribuntur.*

7. **A**Liud genus est hominum, in diuersa omnino abeuntium. Catholici hi sunt, sed nimio, Ecclesiasticos mores & instituta reformandi, vti præ se ferunt, studio abrepti, satisfactionem Sacramentalem non rectè in Ecclesia passim administrari contendunt. De voluntariis pœnis ratus ipsis est sermo: sed circa Sacramentales mulctas à Sacerdotibus pœnitenti irrogandas, omnis penes illos sollicitudo est & cura; quasi si à rectâ Sacramenti Pœnitentia administratione, hâc in parte passim à Sacerdotibus aberretur. Caussantur enim exiles esse mulctas, seu, vt jam vulgo loquimur, pœnitentias, quas Confessarij passim peccata confitentibus impo-nunt; neque eas esse, quæ scelerum grauitati respondeant: aliam fuisse olim Ecclesiae veteris praxim, Patrumque sententiam: satis enim constare, grauissimas olim pœnas sceleratis impositas, quæ non vnum tantum tenerent diem, sed & annos integros. Plenos esse Canones Ecclesiasticos, quibus & temporis diuturnitas, & jejiorum frequentia, & genusflexionum modus, atque alia longè grauissima, sceleribus designantur supplicia; quæ quidem omnia exactè primitua obseruabat Ecclesia. Nunc autem quid fit? preces aliquot peccatori grauissimo, sic quasi cursim recitandæ impo-

Sss

nuntur,

Satisfactio-nes, non ni-si graues, in Confessione imponendas, contendunt aliqui.

Proponun-tur eorum rationes.

nuntur, neque quidquam ultra præcipitur: certe, longe aliter  
Poenitentiam procurasse Sanctos Patres; quos nihil adeo com-  
stat in ore habuisse, quam ut ad graues à se exigendas penas,  
adhortarentur populum. Hæc & alia, per Hosæ annos  
passim pro concionibus declamata sunt in pulpitib[us]. & quidem  
nonnullorum eo prouecta est oratio aut licentia, ut Confes-  
sarij tam molli manu poenitentem demaleentes, errare gra-  
uissime, satis sedere pronuntiarent; Sacramento vitium facere;  
ac à viris pietatem spirantibus eiusmodi Confessarij omnino  
esse fugiendos; non enim eos poenitentium saluti, sed fre-  
quentiæ consulere. Hæc magnis animis, sed nescio an mente  
optimâ, publicè priuatimque diuendita, & multa alia in hanc  
rem. Vnde id saltem consecuti sunt opera suæ pretium, vt &  
grauiores peccatores, vti mihi constat, à Confessionis Sacra-  
mento absterruerint, teneioresque mentes admodum pertur-  
barint, dum sibi persuasère (quod etiam non obscure pro pul-  
pitib[us] dicebatur) non bonas fuisse admodum exomologel[es] il-  
las, quas præter Christi mentem, eius Vicarius Sacerdos fri-  
gidus & Judex imbellis, pro jurisdictione sibi traditâ non  
administrabat. Ita illi. Quibus antequam respondeam, ac-  
turgendum est ante omnia perturbationibus & scrupulis, quos  
poenitens sibi posset efforciare ex Confessione, post quam cili-  
minibus par sibi à Confessario poenitentia aut mulcta non sit im-  
posita.

*Sacramen-*  
*tum peni-*  
*tentia con-*  
*stitut & va-*  
*lidum est,*  
*etiam si nulla*  
*satisfactio*  
*imponatur.*

Dico igitur, siue magna siue parua, quæ à Judice Absolu-  
tioni subnectitur mulcta; inde & si nulla imponatur, poenitentem  
tamen de gratia impetrata & à se percepta, minime debere ambigere.  
Nam quamvis nulla injuncta sit pena, nihil  
tamen Sacramenti essentia defuit; cuius, vi dixi num. 2. satis-  
factio essentialis pars non est, sed tantum integralis; non est  
itaque dubitandum, quin quod verum est Sacramentum, ve-  
rum etiam effectum produxit essentia Sacramentali debitum.  
Hic autem est, culparum omnium condonatio, esto quod de  
peccatis peccato debitis nihil admodum sit remissum. Si au-  
tem leuis imposta sit mulcta, minus est quod de Sacramenti  
valore dubitetur; quandoquidem etiam constet parte integrante.  
Hæc fortassis ad eluendas penas non adeo robusta & valida.  
Et vero, ut satisfactio Sacramentalis natura declaretur im-  
pensius

pensus, istud accuratè perspendendum est, in Sacramento Poenitentiae, non ex quo pœnas exiguntur, sceleribus nimisum partes & commensuratas: quasi vero à pœnitente postulari debent tantæ pœnas, quæ præter æternas, quæ proculdubio cum culpâ ipsâ condonatae jam sunt, adhuc debentur. Frustraneum enim esset iterum imponere pœnitenti debitum, quo jam tenetur ex scelere: quapropter nulla omnino à Sacerdote imponenda esset satisfactio, si eandem ipsi deberet pœnam injungere, quam ex naturâ grauitateque sceleris, pœnitens debuisset exhibere. In eo itaque stat Sacramentalis satisfactionis virtus & efficacia, ut minori multâ, sed juridice impositâ & libere acceptatâ, programmib[us] pœnis legitime satisfiat, suisque interim & Deo offenso & reconciliationi factæ stet honos, cuius nonnumquam interest sceleris commissi gratiam ita pœnitenti conferre, ut tamen multa aliqua reparandi honoris ergo non summa guidem aut honori Divino per peccatum ablatu[m] ex quo correspondens aliqua nihilominus exigatur. Aliqua quia Dei offensi reverentia id postulas: non summa tamen, quia gratia quæ in Pœnitentia Sacramento conceditur, vii eleganter afferit D. Thomas, *reconciliatio est amicitia*. Non solet autem inter amicos offensa satisfactio rigori justitiae commensurari, sed offensi voluntati, cuius est maxima multa jure imponendæ partem, amicitia condonare. Itaque, ut recte D. Thomas, debita datur Deo violati honoris satisfactio, dum offendens recompensat secundum voluntatem eius quem offendit. Sic igitur, inquit, requiritur ex parte pœnitentis & primo quidem voluntas recompensanda: quod fit per contritionem. Secundum quod se subiectat arbitrio Sacerdotis loco Dei, quod fit in Confessione. Tertium quod recompenset secundum arbitrium ministri Dei; quod fit in satisfactione. Ita disertè D. Thomas. Ex quibus omnibus id conciscitur pœnitentem cuiuscumque demum satisfactioni, & quantumcumque exili, debere acquiescere: officioque suo in Pœnitentia Sacramento, & gratia postulanda fecisse satis, cum clemente tribunale hoc accesserit, ut quodcumque satisfactiōnis genus paratus fuerit acceptare. Diuitiaque voluntatis prout sibi innotuit, morem gerere. Diuitiam autem voluntatem satisfactionem quæ ab eo exigendam, non alia ratione potuit percipere, ipsa ex sacerdotis Dei vicaria, partes gerentis, voce & iudicio. Nihil itaque priuete, à pœnitenti poterit pars exigi, & cum ipsi hib[us] sit[us] 307

Non debet  
 in Confes-  
 sione impo-  
 ni multa  
 quantam  
 ferre mere-  
 tur pœni-  
 tenti,

Oportet  
 neque C.  
 sed T. &  
 minori  
 et erga ea

quia non  
 fit hic re-  
 conciliatio  
 ad rigorem  
 iusticie, sed  
 ex amici-  
 tie legibus

Hinc pœni-  
 tenti plaud  
 satisfecit  
 suo muneri,  
 qui quan-  
 tum par-  
 tuus par-  
 uam pœni-  
 tentiam in  
 Confessione  
 acceptauit.

quidquam jure constet, aut constare possit, præter id quod à Dei personam repræsentante, & pro tribunali jus dicente, legitimè præscribitur. Cessent igitur Neotericorum plus nimio effruescentium voces; neque Absolutioni conquerantur per minores pœnas impositas quidquam detractum: neque pœnitentibus, cum quibus actum est blandius, de præteritis Confessionibus metus faciant: fanatici enim sunt qui ingeruntur timores; legitima fuit Absolutio: neque in pœnitentiâ acceptatâ quidquam peccauit pœnitens. Si quid erratum est, Confessarij error fuit, qui tamen Confessioni non officit, sed solum inficit Sacerdotem.

*Objecito.*  
*Sicut Confessarios nimis languide agere.*

Hoc est inquires quod volumus; non adeò pœnitentes accusamus, quam Judices ipsos erroris arguimus. Non enim rem Dei agunt, exigua qui pro grauissimis sceleribus imponunt supplicia, nec auctoritatem offensi Numinis, tam facile indulgendo, tuentur. Imò nec pœnitentibus ipsis sic rectè consulitur; vt potè quibus inertes nimiùm, curandis sceleribus adhibentur medicinæ. Magnæ imponendæ sunt peccatoribus multæ; rigida ingerenda sunt supplicia; ut malo suo edoctus reus, sciat quid sit offendere tantum Deum, & à tormentis, quæ nunc ex Sacerdotis præscripto patitur, aliquando tandem sapiat, & à criminibus resipiscat.

*Non est priuati hominis legem Confessarij prescribere.*

Ain verò tu, pœnarum arbiter seuerissime? ingentes tu pœnas pœnitentibus irrogandas adstruis, blandioresque Confessarios ignauiae accusas, imò & condemnas? At, quid si illi te interrogent *Quis te constituit judicem super nos?* qui jurisdictionem nostram à Deo accepimus, nostro, non autem alieno arbitrio moderandam? Hæc, inquam, si respondeant, quid quæso tu illis, ratione bonâ poteris reponere? Clamabis illico sat scio, jurisdictionem nihilominus ex mente Dei exercendam, ne illi sic injuria. At tum illi jure rursus ex te quærrent, à quo tandem debeant de mente Dei hâc in parte edoceri? An à te homine prorsus priuato; an verò ab ipsâ vniuersali Ecclesiâ, Diuinæ mentis legitimâ interprete, & cuius, vti Diuina, ita & indubitate est auctoritas? Sanè ab hâc petenda esse responsa, Sacramentorumque rectam administrationem edocendam; eaque quæ profert oracula, priuati cujusdam viri placitis, infinito intervallo esse præferenda, sanus nemo, nemo orthodoxus, rectè negauerit. Videamus ergo quid vniuersa in Concilio Tridentino congregata

10.

11.

gregata Ecclesia Confessariis de satisfactione à pœnitentibus ex-petendâ, præscribat. Ita habet sanctum decretum.

12. *Debent ergo Sacerdotes Domini, quantum spiritus & prudentia Decretum  
Tridentini  
suggererit, pro qualitate criminum, & pœnitentium facultate, de injun-  
Trid. sess.  
14.C.8.  
salutares & conuenientes satisfactiones injungere: ne, si forte pe-  
catis conniveant, & indulgentiis cum pœnitentibus agant, leuisi-  
nentur.*

*ma quadam opera pro grauiissimis delictis injungendo, alienorum pec-  
catorum participes efficiantur. Adde & rationem alteram, quam  
eodem capite præmisserat Sancta Synodus, ne pœnitentes occa-  
sione acceptâ ex mulctâ imposta leuitate, peccata leuiora putantes,  
velut injurij & contumeliosi Spiritui Sancto, in grauiora labantur,  
thesaurizantes sibi iram Dei. Hæc Eccleſia, Sacerdotes suos in-  
ſtruenter, sola est, & tota institutio. Expendamus porrò fin-  
gula.*

13. Atque istud illico interrogo: vbinam in hoc decreto, grauium atque ingentium mulctarum, vel specie saltem tenuis, facta sit *Qualitas  
criminum  
in pœnitentia-  
tua injun-  
genda spe-  
canda.*  
mentio? Certè neque grauium neque etiam leuium satisfactio-  
num, sed *salutarium & conuenientium* Synodus meminit, easque  
prudenter docet, non pro quantitate, sed pro *qualitate* criminum esse exigendas. Aliis enim aliisque morbis, aliæ atque aliæ adhi-  
bendæ sunt medicinæ. Cùm autem injunctæ mulctæ, non satis-  
factionis tantum, sed & medicinæ, curandis animi morbis ra-  
tionem habeant, rectè præscribitur *pro qualitate criminum, salu-  
tare & conuenientes* satisfactiones esse injungendas. Sic sanè  
eleemosyna injustitiæ, jejunium gulæ, aliæ afflictiones corporis  
luxuriæ deinceps curandæ conuenient, salubriterque illis vitiis  
infesto præscribentur: oratio denique, morborum animi vniuer-  
falis medicina, rectè ex mente Tridentini injungetur, *pro qua-  
litate criminum & pœnitentium facultate* nihilominus imponen-  
da. Ast de quantitate criminum, quid obsecro hic edicitur? *non vero  
semper  
quantitas.*  
Nihil prorsus. An enim, vt pro qualitate morbi alia atque alia  
medicina est conuenientior, ita etiam pro quantitate, grauitate, inquam mali majori aut minori, major etiam medicina semper  
est aptior? Sanè vti tam attritæ nonnumquam sunt stomachi, *Datur ra-  
corporisque vires, vt etiam in morbis acutissimis, non nisi de-  
bilia admodum præscribenda sint pharmaca; ne nimiâ potionis  
vi, quod reliquum est caloris naturalis suffocetur: ita non raro  
contingit, vt tam alcum sit malum, virtusque pœnitentis tam*  
*exigua,*

¶ TRACTATUS DECIMVS SEXTVS

exigua, ut satisfactione ingenti, medicinā inquam validā debilitandum potius sit quod reliquum virtutis est, imo extinguedū pénitus, quād ad débitū vigorem nouāmque vitam reuocandum. Minōribus itaque medicinis prudenter ad modum soletur, & paullatim suscitatur is qui pene extinctus est cator, doctric per alia atque alia virtutum exercitia, sensim excitatus, in majora tandem assurgat, atque ad heroica satisfactionis opera, suā sponte enitatur. Non ergo, quamvis pro diversā qualitate criminum diuersa etiam pensanda esse remedia, rectè statuat Tridentinum, hinc tamen ad criminum quantitatē recte argumentabere; quasi pro majoribus, maiores etiam sint pene imponendae pénitentib⁹. Non inquam recte sic argues. Major hic est culpa, ergo major est requirenda satisfactio. Minime vero, ex mente Tridentini non est hæc consecutio. Salubrem & criminis qualitati conuenientem satisfactionem & medicinam exigit. Aliquando autem grauior, longè est aptior, aliquando autem minor est salubrior, & pénitentis facultati (quod etiam prudenter attendi vult Tridentinum) id est agrotantis virtutis magis at temperata & accommodata. Quid autem, & cui pénitenti magis conueniat, id quidem Sancta Synodus Sacerdotum iudicio prudentiæque commisit; quos diserte asserit satisfactiones pro qualitate criminum, & pénitentium facultate debere in jungere, sed ut diserte subnectit, prout spiritus & prudentia suggesserit.

14.

*Temerarium est quod priuatus homo, Confessoris omnibus velit leges dare.*

Jam vero sic mecum rationem instituo. Concilium Tridentinum, Patres ē toto orbe congregati sapientissimi & celeberrimi, Ecclesia inquam ipsa, & sponsa Christi mysteriorum omnium interpres fidelissima, Sacerdotibus satisfactionis in Confessionibus exigendæ negotium commisit, priuatum taxationem eorum prudentia concordidit. Quā ergo fronte priuatus quis absque auctoritate vllā, legitimis iudicibus audet metas sfigere, legemque præscribere, quam ei Ecclesia non imponit? Quis inquam, vni homini auctoritatem dedit concordem di cathedram, vt declamabundē coram populo admordeat Confessarij legitime Jus dicentis sententias, malitiasque præstatio arbitrio taxet & constituit, quas Ecclesia Vniuersita, nullius nisi Sacerdotis reipsa iudicantij, submisit arbitrio? Ego quidem non capio, Christianæ submissioni hæc qui conueniant. Et cumpachyritatem ore semper crepant, Claritati hæc qui competant, pectora sus



fus non intelligo. An ergo existimant omnes adeo in Theologis omibus extinctam esse prudentiam, ut discerneret neque ait quid quicunque penitentium prescribendum sit medicina, nisi quam suā ipsi trutina appendent. Aut Confessarios passim omnes tam profligate censem esse conscientes, ut quicunque sciant quae satisfactione sit imponenda, eam tamen nolint exigere. Alterum ab ipsis sane discendum est, illudque tum addendum, solum se se sapere, solos esse à quibus Sacramentorum recte admistrandorum petenda sit institutio, & ne quid tantæ rei desideratur denique edicendum, non obscure, sed clare admodum, ita ut omnes intelligant. Concilium ipsum Tridentinum nimis molli manu egisse hancrem, neque materiam hanc prodignitate offensi. Numinis peccata classe, neque Christi sciuisse mentem cuius Vicarius in diuinâ jurisdictione exercendâ, non alia. Deoque magis honorifica dederit imperia. Hęc autem ita esse, orthodoxis cum demonstrauerint, non erit quod opponam. Siq; autem pro dicendi libenter tantum hęc & similia declamauerint, non erit etiamsi quod hisce dictis magnopere perturberet, iisque quidquam credam.

Ceterum, quod toties ingerant, Sacerdotes debere meminisse Christi Vicarias se esse vires gerere, ac proinde & eius honor debere consulere, commode id quidem monent. Ast ubi datum in Sacris paginis traditum inuenere, honorem Deo maiorem castigando peccatores comparari, quam eorum flagitiis indulgendo; ubi contraria omnia Deus ipse, ut superius vidimus, infinitis propomodum locis attestatur. Vicariam fateor perfonam Christi Sacerdos gerit, sed misericordis & miseriis hominum indulgentis Dei personam inquam, non ex rigore justitiae irrogantis supplicia, sed ea etiam quae sunt debita, minori multe condonantis. Etenim ut ex D. Thomā nunc retuli, amicitia est hoc reconciliatio; non est autem amicorum, dum redintegratio infrae amicitia initur, summa exigere. Aliiquid tamen exigitur, ut justitia satisfiat; minus autem ab eo, qui majoris redditus amoris titulo, majori etiam amore est dignus. Hinc fit, ut qui majori penitidine, ad sacrum hoc tribunal supplex Deo sit, majori etiam gratia habituali perfundatur; atque hinc majori etiam eum benevolentia Deus complectitur; unde tandem id consequitur, ut minoribus exigenda sic satisfactio.

Quanta

Sacerdos  
Vicarij  
Christi  
sunt, sed  
miserantur,  
non vero  
castigantur.

Sacerdos  
Vicarij  
Christi  
sunt, sed  
miserantur,  
non vero  
castigantur.

Sacerdos  
Vicarij  
Christi  
sunt, sed  
miserantur,  
non vero  
castigantur.

*Spiritus  
Dominii est  
spiritus le-  
nitatis &  
misericor-  
diae.*

Quanta vero in hâc amicitiae reconciliatione pœnitenti taxanda sit, id quidem statuet, totius causæ pacisque fanciendæ arbiter Confessarius. Statuat autem, vti Tridentinum docet, *quam Spiritus dicit prudentia suggestus*, & muneri suo, Deoque, cuius partes gerit, fecit satis. At quis Spiritus? sanè Spiritus lenitatis, spiritus misericordiæ, spiritus charitatis, cuius secunda apud Apostolum laus est, esse benignam; denique Spiritus Domini; non verò spiritus acrimoniarum, spiritus perturbationis, spiritus vindictæ; multò minùs spiritus arrogantiarum & elationis. Profecto genio suo Diuinum spiritum commensurans Elias naturâ vtcumque asperior, & castigandis sceleribus assuetus, ingentem ventorum turbinem emollientem omnia inaudiit, & Dei spiritum esse credidit. Ecce inquit Sacer textus, *spiritus id est ventus grandi dicit fortis, subuertens montes dicit conterens petras ante Dominum, dicit non in spiritu, illo nimis, Dominus. rursus neque in commotione Dominus, denique neque in igne Dominus.* Et qui in turbulentis hisce, & cuncta discerpentibus elementis non erat Dominus, erat tandem *in fibilo aure*, & quidem *tenuis*. Ita sanè est. Non omnis qui flamas & vindictam spirat, Dei spiritus est; nec is qui tumultus excitat, perturbationesque animorum ciet, nec qui magno latus impetu cuncta subuertit & proruit, is est spiritus qui Confessariis debeat suggestere, quantis sint pœnis peccatores Deo supplices castigandi; suggesteret id spiritus *aure tenuis*, spiritus prudentiæ, spiritus misericordiæ & lenitatis, spiritus denique humanæ fragilitati indolentis, amicèque pœnitentem miserum complectentis Dei. Hunc tu spiritum Sacerdos sequere, & Dei partes agis.

*Demon-  
stratur ins-  
prudentia  
corruo qui  
dicunt sem-  
per graues  
pœnitentias  
injungen-  
tas.*

Magnus hic se mihi aperit dicendi campus, si imprudentiam quorundam, Satisfactiones magnas ore vblibet crepantium, ingentesque & præter rationem omnem exorbitantes pœnas, etiam pro exiguis & venialibus peccatis severissimè impositas libereret enumerare, & prudentium hominum judiciis condemnandas exponere: neminem tamen lädere nunc est animus. Amicè verò hos tam severos judices interrogo, an magnæ prudentiæ id sit, ingentes pro venialibus peccatis mulctas injungere, cùm magnorum Theologorum, Henriquesij imprimis, Fabri, Nunezij, & Cardinalis de Lugo sit sententia, omnem grauem pœnitentiam in Sacramento impositam & acceptatam, etiam per veniale

1. ad Cor.  
13, v. 4.

3. Reg. 14.  
v. 11. 12.

16.

Heuriq.  
Faber.  
Nunez.  
Lugo de  
veniale

<sup>Pæn. disp.</sup> veniale peccatum promeritam, grauiter & sub mortali ut ajunt  
<sup>25. lect. 5.</sup> scelere incurriendo obligare. Quis autem id crederet, prudentis  
 esse pro veniali maculâ expiandâ, præcipere medicinam quæ  
 mortem ipsam neglecta inferat? Cùm verò passim Theologi om-  
 nes statuant, saltem de tantâ satisfactionis exhibendâ obligatio-  
 ne non esse dubitandum, dum mulctæ graues pro mortalibus pec-  
 catis pœnitenti præcipiuntur; rursus quæro, an id prudentis Sa-  
 cerdotis sit, tam urgentis præcepti materiam homini objicere,  
 quem aut infirmitatis & inconstantiae vitio, & virtutis non satis  
 obfirmatae defectu, aut negotiorum rerumque agendarum mole  
 in alia omnia actum, ingentes illas mulctas contempturum, &  
 deinceps habiturum suspicaris? Quid enim id est aliud, quam  
 in certissimum peccati mortalis periculum, pœnitentem spon-  
 te & destinatò conjicere, & quidem sine necessitate prorsus  
 vllâ? Sane salubres satisfactiones imponi cùm velit Tridentinum,  
 cauendum est omnino ab ijs quæ prudenter judicantur  
 nociturae.

17. Hoc itaque prudens Sacerdos sibi præstitutum habeat, non  
 quidem aut magnas semper, aut exiguae pœnas imponere,  
 sed conuenientes & profuturas. Eadem quæ hunc ægrum curat  
 medicina, alteri est exitio. Prudentis id est medici, profuturum  
 quid sit discernere. Tantum id caueat Confessarius, quod pru-  
 dentissimè monet Tridentinum, *ne alienis peccatis conniveat, le-*

<sup>Trid. less.</sup> *uissima quedam opera pro grauissimis delictis injungendo.* Vbi dili-  
<sup>14. c. 8.</sup> genter expendendum est, non leuia opera grauibus delictis, sed  
 leuissima grauissimis opponi. Leuissima autem cùm pro grauissi-  
 mis injungi prohibentur, non illicè grauia pro leuibus, ne-  
 que grauissima pro grauibus delictis passim & omnibus impo-  
 nenda imperantur. Certe tanta potest esse peccatoris pœni-  
 tudo, tantus dolor animi per suspiria vberesque lachrymas se-  
 explicantis, vt Sanctissimorum virorum exemplo, etiam leuissi-  
 ma pro grauissimis delictis satisfactionis opera, prudenter om-  
 nino, & ex mente Tridentini, imponi possint & quandoque de-  
 beant: tum nempe, cùm judicant sepe peccatis non connivere,  
 neque occasionem dare in grauiora relabendi homini, qui à se com-  
 missa tam amarè déplorat, & tam seriò detestatur. Quid, quod  
 & non raro contigerit, vt leuissima mulcta imposta peccatori  
 scelestissimo, occasionem dederit, amarissimè deflendi scelera,

Ttt

eaque

*Non parva  
semper nec  
semper gra-  
uies imponen-  
de pœnitentia  
sia sed semper  
salta-  
bres.*

*Aliquando  
leuiores pœ-  
nitentia ma-  
ximo pœni-  
tentia fru-  
stra fuere  
imposta.*

eaque ingentibus exinde pœnis à se sponte exactis vindicandi  
pudebat enim hominem vehementius suæ impudentiæ, quod  
eum tam indignis modis Deum offendisset, quem post tot atro-  
ces injurias, experiebatur in Vicarijs tam facilem & benignum.  
Contigerunt ista sapissime. Certè Spiritus Dei ubi vult agit, &  
sicut vult. Huic modum aut metam ponere, non est hominis;  
& in hac materiâ, non est prudentis. Extrema tantum sunt ca-  
uenda. In medio resideret, quæ virtutum moralium prima est, pru-  
dentia: hanc satisfactionibus erogandis & taxandis, adhiben-  
dam esse docet Tridentinum. Valeant igitur, certa & quidem  
actia semper medicamenta præscribentium voces: illudque ipsum  
met, dum alijs dant consilia, sedulò obseruent, ne dum vitant  
vitia, in contraria currant incauti, & nimio effervescentis animi  
cæstro perciti.

## §. III.

Graues pœnitentias pœnitentibus semper imponere, est contra  
praxim veteris Ecclesiæ, cuius usus male ex Canonibus  
petitur. Fallacia est, quod contraria suadentes non distin-  
guant inter pœnitentiam publicam, & priuatam: item inter  
voluntariam, & Sacramentalem. Hinc etiam perperam pro  
se afferunt antiquos Patres.

Obiiciun-  
tus veteris  
usus Ecclesi-  
ae, **D**uo adhuc restant argumenta, quæ feruoti suo acriores illi pœ-  
nitentium Judices prætendebant: antiquus videlicet Eccle-  
siæ primitiæ usus, & Sanctorum Patrum placita. Etenim, in-  
quiunt, satis constat non tam molli pœnitentes olim tractatos  
manu: utpote quibus non unius tantum diei jejunia, humicuba-  
tiones, genuflexiones, & publicæ scelerum deprecationes impo-  
nebantur, sed & quadraginta diebus, imò & septem etiam annis,  
per dies statutos & interpolatos protrahenda præcipiebantur:  
prout passim videre est in sacris Canonibus constitutum, & in  
Ecclesiasticis historijs quotidiano usu confirmatum. Nunc autem  
quid sit: ne unius quidem diei jejunium imponitur; cæterarum  
verò

18.

verò multarum, nulla est mentio. An non hoc est à pristinâ, & antiquâ Ecclesiæ praxi turpiter desciuisse? cur autem ea in præxim iterum non reuocetur? Quod verò ad Patres attinet; quid <sup>& sancti patres.</sup> quæso in eorum commentariis occurrit frequentius, quâm pœnarum corpori infligendarum commendatio; quid adeo clamant, quâm carni indicendum acriter bellum, pœnitentiam agendam esse in cinere & cilicio, carnem denique omni impetu edandom, vt spiritus saluus fiat?

19. Magno hæc animi studio, quin & ingenti laterum nisu, clamori-  
busque per hæc tempora fuere jactitata. Et quidem fidem non mo-  
dicam apud non paucos reperere, quod sanctitatis non vulgaris  
speciem hæc dicta præ se ferrent; auctoritatemque conciliaret non  
exiguam, vulgo credi hæc à præconibus ipsis in proprium corpus  
exerceri supplicia, ad quæ aliena membra tam feruide condemnab-  
ant. Ut vt sit, respondeo egregiam esse fallaciam, id quod de veteri  
Ecclesiæ vsu Sacris Canonibus expresso, contentiose quidem, sed  
incaute satis, effutunt. Populo certè imponitur, dum nullum inter  
publicas pœnitentias & priuatas discrimen faciunt, mul&asque  
promiscue easdem, ab Ecclesiâ exactas singunt. Et vt fallacia de-  
tegatur, istud quidem dicendum est, olim, prout & nunc in vsu est,  
præter Confessarios, quos eo tempore Pœnitentiariorum vocabant, &  
priuatim in Confessione peccata confitentibus jus dicebant, prout  
Baron. an.  
Christ. 56.  
n. 24. 25. fûse hæc docentur à Baronio; etiam externum tribunal viguisse, in  
quo de sceleribus publicis, & Ecclesiæ famam decorumque infe-  
stantibus, cognoscebatur pro causa meritis admodum acriter;  
puta de adulteriis publicis, beneficiis, sacrilegiis, homicidiis, apo-  
stasiâ, hæresi, cæterisque id genus sceleribus. Neque nunc jurisdi-  
ctio hæc extincta est, quâm ad Officiales suos seu Judices, Episcopi  
solent deferre. Scelerum ejusmodi conuictis, fateor, pœnitentias,  
quas rigidiores illi Censores enumerant, imponi solitas, & severissi-  
mè exactas. Verùm, an à publicis illis multis, ad priuatas recta est  
consecutio? Et quæ in foro externo, in quo, ex justitiæ rigore & ad  
exempla populo facienda, pœnae imponuntur; ad forum gratiæ tra-  
hendæ sunt illico? Sanè, & nunc quoq; adulteri conuicti, concubi-  
narii & ganeones publici, asinis imponuntur, virgis coronantur, &  
sic totius plebis exponuntur deludibrio, vt cunctis fidelibus inno-  
tescat, quâm pudenda sint hæc scelera, quorum auctores Ecclesia  
tam rigide castigat. An idcirco prudentis esset Confessarii, hæc aut

Pœnitentia  
alia sunt  
publica pro  
publicis sce-  
leribus in  
foro exter-  
no injun-  
genda : a-  
lia sacra-  
mentaria.

Ab illis ad  
hanc non est  
argumen-  
tandum.

his similiq; adulteris sese clanculū accusantibus commendare, imò præcipere? Quòd si autem ex quæ nunc ab Ecclesiâ exiguntur à publicis peccatoribus mulctæ, ad priuatas Confessiones trahendæ non sint; cur veteres illas, publicis etiam & scelerum conuictis reis olim inflictas, in vsum priuatæ confessionis volunt reuocari? Sanè hodiernis Officialibus usurpatæ pœnæ, exomologesi nostræ adhibendæ si non sunt, neque etiam veterum illarum facienda erat mentio: aut si hæ sanctæ, quia rigidæ, quia seueræ; etiam hodiernæ seueritate suâ non carent, quas tamen nemo prudens, Confessionibus priuatis recte dixerit applicari.

Dicamus ergo quod res est; à publicis pœnitentiis ad priuatas 20.

ineptè trahi exempla, eaque ineptius populo proponi. Interim

vti recte Aegidius Coninck, nulla jam lex est humana aut diuina,

prescribens certam aliquam pœnitentiam, quam Sacerdos pro his vel

illis peccatis debeat injungere; sed hoc relinquitur ipsius arbitrio.

Non quidem ita, ut pro libitu possit pro quibusuis peccatis grauem

vel leuem pœnitentiam injungere; sed quia ipsius est judicare, que,

omnibus perspectis, hic dicitur nunc pœnitentia sit injungenda. Est com-

munis Doctorum, dicitur eam aperte docet Innocent. III. c. Deus qui. 8.

de pœnitentiis. De veteris autem Ecclesiæ confessariis, ita pergit

dicere sententiam. Imò etiam olim simili modo fuisse permisum

Sacerdoti, ut in hoc foro eam pœnitentiam injungeret, quam crederet

bis dicitur nunc maxime expedire injungi, colligitur ex c. Mensuram

85. de pœnitentia d. l. Quare Canones pœnitentiales, qui habentur

in quibusdam Conciliis, aut solùm erant pro foro externo ( quamvis

etiam in hoc, multum permittebatur iudicio Episcopi ) vel non con-

tinebant preceptum, sed tantum quasdam regulas, quibus Confessarij

possent instrui, ut eas quantum iudicabant commode fieri posse, seque-

rentur. Ita ille, & bene. Certum est enim scelera quedam esse tam

enormia, ut & prudenter, iis curandis, ingentes etiam pœnæ

præscribantur. Quando id fieri debeat, Confessarij id est despici-

cere. Prudentis vero non est, grauia semper applicanda esse re-

media indiscriminatim edicere; neque satis sinceri Ecclesiastæ

est, id Ecclesiæ veteris exemplo velle confirmare.

Quòd si vero doctissimus Coninck recentior cuiquam videatur

esse, quam ut de veterum Canonum vsu rectam possit ferre sen-

tentiam, veteres sanè dabo Theologos. Primò, Albertum Ma-

gnum, D. Thomæ Magistrum celeberrimum. Dicendum, inquit,

quod

Coninck  
Sacram.  
disp. 10.  
dub. 8.  
concl. 6.

Quid in  
Canonibus  
pœnitentia-  
libus spe-  
cialibus  
sit Confe-  
ssarij.

Probatur  
ex anti-  
quissinis  
Theologis.

2. 1.  
D. Albert.  
in 4. dist.  
20. a. 14.

quod numquam aperte prescribitur regula pœnitentie, in Confessione scilicet obseruanda. Sed tamen tria ad minus attendenda sunt; scilicet peccati qualitas, Contritionis quantitas, & status pœnitentis. Canon autem non attendit nisi unum (nempè peccati qualitatem) & ideo quod dicit, non est nisi quasi exemplare ad dirigendum in alijs, ad minorandum ab illo, vel illi addendum, secundum arbitrium discreti Sacerdotis, hæc tria solenniter obseruantis. Secundum, huic accedit

D.Bonau.  
in 4. dist.  
20. parte  
2. dub. 3.

S. Raym.  
1.3. sum-  
mæ c. de  
Pœnit.

Alensis 4.  
part. sum-  
mæ q. 31.  
membr.  
3. a. r.

D. Bonaventura. Ita ait; *Canones instruunt in generali qualiter imponenda est pœnitentia. Sed dum descendendum ad singularia, relinquent Sacerdotibus discretis qui considerent personarum circumstan- tias, accedentes ad Canones, sicut ad regulas directivas. Tertio, si circumstantias personarum accuratius inquiris, quas attenden- das esse vult D. Bonaventura, eas ejus sententia subscribens, descri- bit S. Raymundus his coætus. Ita loquitur in Summâ. Videtur dicendum quod arbitrio Sacerdotis pœne omnes taxantur, consideratis circumstantijs criminis, quantitate, & dignitate, & qualitate. Item, persone dignitate, officio, paupertate, infirmitate seu debilitate complexionis, consuetudine, societate, lachrymis & deuotione; item regionis & temporis qualitate. Quartò, Alensis fatetur, suo tem- pore omnes ferè Confessores tenuisse, quod omnes pœnitentie sunt arbi- trariae, id est inquit, in voluntate Sacerdotis posse. Ex quibus om- nibus nunc patere existimo quid Theologorum antiquissimi de veteris Ecclesiæ Canonicis pœnitentijs senserint, & quo pacto eas in occulto Pœnitentiæ foro confitentibus judicauerint appli- candas.*

22. Non minor subest fallacia alteri, quod ex SS. Patrum auctori- tate petebatur, argumento. Seriam inquiunt, pœnitentiam com- mendabant hi; corporis macerationes magnas, frequentia je- junia, & his similia populo proponebant, & ad ea fideles omnes hortabantur impensiùs: quin ergo adhortemur & nos? Perpla- cet profecto consilium; & mox eò connitar non frigidè. Verùm despiciendum id est priùs, de quibus pœnitentijs Patres egerint. Id quidem frequentissimè in sacris eorum homilijs inuenio, quod peccatores ad vindictam criminum de se sumendam sint ad- hortati; iisque stimulos indiderint, vt non vulgaria tantùm supplicia exercent, sed & insigniter etiam pieque in se sœ- uirent. Neque verbis modò, verùm etiam exemplo fidelibus in tam sanctæ crudelitatis exercitio, eos præluxisse, innumeræ testantur

*Patres vo-  
luntarias  
pœnitentias  
populo com-  
mendarūt.*

Ttt 3

testantur



*de grauioribus testantur historie. At suaesse Sanctos Patres Confessariis, vt  
in Sacra mento semper injungendis, numquam egere.*

Quâ igitur rursus mente ea quæ à Patribus, de pœnis multisque voluntariis seu sponte suâ à peccatore assumendis dicta sunt, ad pœnitentias à Sacerdotibus imponendas, perperam & falsò distorquentur? hoc certè non est bonâ fide agere.

*Sacramen-  
tale pœni-  
tentia obli-  
gas sub  
peccato.*

*Hinc im-  
prudentis  
effe pro-  
miscaè gen-  
ues impo-  
nere.*

*Imponendo  
leuiores  
coſulimus  
iſi Sacra-  
mento.*

An ergo inquies perinde habendæ non sunt pœnitentiæ, siue in Sacramento præscribantur, siue vindicandis sceleribus sponte assumantur? Minime gentium. Nam vt antè dixi, pœnitentiæ graues à Sacerdote impositæ, præcepti vim habent, obligationemque secum trahunt, cui siue noxâ lethali non satisfit. Hinc quamvis non prudenter tantum, sed & sanctè, hominum torpor, ad insignem corporis sui contemptum & odium, castigationes, & verbera quinimo rebelli carni infligenda, à Diuini verbi præconibus excitetur: imprudenter tamen, hæc à Sacerdotibus passim injungenda esse, nullo habitu sexûs, ætatis, personarumque discrimine, in pulpitis declamatur. Illæ enim vti liberè assumuntur, ita & omittuntur sine vlo peccato, etiam minimo. Hæc verò quia legitimè sunt præscriptæ, præcepti vim obtinent: & quia graues sunt, siue mortali peccato non negliguntur. Quantæ autem id esset imprudentiæ, vbi mihi tam perspecta est humana infirmitas, & vbi me inter homines aut aegrestes, aut classiarios, aut milites, aut inter eos versari video, quibus non tantus est pietatis, rerumque diuinorum sensus, iis nouum præcepti genus imponere, cui prudenter, imò ferè certò metuere debeo, obedientium non esse præstandam? quasi verò præcepto meo, in re sibi difficillimâ, morem gesturi sint ij, quibus de Diuinis legibus obseruandis, non diuturna est curatio. Essetne hoc hominem peccatis eripere, & non potius noui criminis ansam dare?

Dicam igitur cur grauioribus pœnis generatim abstinentendum sit, nec siue magnâ prudentiâ, pro pœnitentium facultate, vt ait Tridentinum, & dispositione, denique tantum vbi profuturæ sunt, irrogandæ; moderatæ verò cur passim adhibendæ. *Primum* quidem vt hominum imbecillitati succuratur. *Secundò*, vt

ut ipsi Sacramento consulatur; neque ab immodico Judicis, illud, iurisdictionemque suam administrantis exercitio, quidquam detrimenti patiatur: patietur autem indubitatim, & ex rigore odium feret: odiosa enim semper hominibus est austeritas. Quis autem bono animo rem complectitur, cui non afficitur? & quis afficitur rei odiosæ? Deterrebuntur itaque passim homines, & à medicinâ auertent animum, quam sibi præstiterunt tam amaram. Huic incommodo cauet Confessarij benigna moderatio; cuius est, non pœnitenti tantum, sed & Sacramento à Christo instituto, ejusque bono nomini & famæ consulere. Christi autem præcipua fama semper fuit, *quia hic peccatores recipit*; infringitur autem hæc fama vehementer, imo tandem evanescet, vbi Christi Vicarius peccatores sic recipit, vt à Sacramento deterrat, & tandem fugeret. Neque dicas hæc fieri pœnitentium vitio: nam vt ita sit, vitiis etiam occurrentum est ne ingrauescant: maximè cùm id saluo Sacramento, seruatâque Christi auctoritate & jurisdictione potest fieri, vti in hoc euentu prorsus potest; ac proinde cùm possit, debet.

*Scandalizantur fidèles sapientia ex mortali Confessarij rigore.*

25. Tertiò, scin cur moderata mulctæ pœnitentibus sint passim imponenda, & ab exorbitantibus communemque modum exceedingibus abstinentum? Dicam. Ne forte malè mulctatus à te pœnitens, oculos erigit, eosque in Judicem suum coniiciens, miretur hominem erga seipsum tam benignum & moderatum, alienæ infirmitati tam parum indolescere. Rursus ne & tibi dicum sit id, quod Christus hypocritis olim, legisque Diuinæ seueris nimium assertoribus apud Matthæum ingerebat, *Alligant enim onera grauia & importabilia, & imponunt super humeros hominum; ipsi autem digito suo nolunt ea mouere.* Quam quidem sententiam nullo modo auderem ego, rigidis illis pœnarum infligendarum arbitris applicare, nisi eandem iis jam dudum admouisset D. Chrysostomus, in opere imperfecto in Matthæum. Et quamvis is commentarius incerti dicatur auctoris, tamen eum Chrysostomo attribuunt Sextus Senensis aliisque quām plurimi. Quidquid sit, antiquissimus est hic auctor, & celeberrimus, & cui quid suo tempore, id est in veteri Ecclesiâ mos ferebat, prudubio erat satis superque perspectum. Sententiam, quod materiæ nostræ sit admodum opportuna, totam, licet longam, eius verbis do. Expendat Lector singula. Cum itaque exposuerit

*Veteris Ec-* Suisset Scribarum & Phariseorum subdolam in exponendâ lege  
*clesia in* vafritiem, ore nimirum plenisque buccis magna quædam & ar-  
*Sacramen-* talibus pa- dua concrepantium, & dura mandat interpretatione suâ popu-  
*nitentius in-* lo deferentium, quæ ipsi ne modicâ quidem ex parte implerent:  
*jungendus* tum ad rem nostram ita progreditur eleganter Chrysostomus.  
*mos à D.*

*Chrysost-* Secundum consequentiam autem, tales sunt etiam nunc Sacerdotes,  
*mo decla-* qui omnem justitiam populo mandant, & ipsi nec modicè seruant:  
*ratur.* videlicet non ut facientes sint justi, sed ut docentes appareant ju-  
*sti.* Tales sunt & qui graue pondus venientibus ad pœnitentiam  
*imponunt;* qui dicunt, & non faciunt: & sic, dum pœna pœni-  
*tentie præsentis fugitur, contemnitur pœna peccati futuri.* Si enim  
*fascem super humeros adolescentis,* quem non potest bajulare, posue-  
*ris;* necesse habet ut aut fascem reiiciat, aut sub pondere confringat-  
*ur.* Sic & homini cui graue pondus pœnitentie ponis, necesse est  
*ut aut pœnitentiam tuam reiiciat;* aut suscipiens, dum sufferre non  
*poteat, scandaliꝝatus amplius peccet.*

D. Chry-  
 soft. in o-  
 pere im-  
 perf. in  
 Matt. ho-  
 mil. 43.

*Vbi Deus* 26.  
*benignus,* Deinde, et si erramus modicam pœnitentiam imponentes; nonne  
*Sacerdos* melius est propter misericordiam rationem dare, quam propter cru-  
*non sit cru-* delitatem? Vbi enim Pater-familias largus est, dispensator non debet  
*delicta in a-* esse tenax. Si Deus benignus est, ut quid Sacerdos eius austerus?  
*lior,*  
*sed in se.*

Vis apparere sanctus? circa tuam vitam esto austerus, circa alienam autem benignus. Audiant te homines parva mandantem, &  
*grandia videant facientem.* Talis est autem Sacerdos qui sibi in-  
*dulget,* & ab aliis grauia exigit, quemadmodum malus descriptor  
*tributi in ciuitate,* qui se relevat & onerat impotentes. Ita auctor  
*hie grauissimus.* Ulcus tetigit, & prodiit quod intus latebat pus.  
*Utinam hoc cultro perstrictus abeat quorundam tumor!*

27.

*Exemplum* 28.  
*S. Xauerij.* Sanè si ex charitatis quâ flagrant lege, satisfactionem offenso  
*est S. Francisci Xauerij,* magni admodum juris Diuini propug-  
*natoris exemplum.* Cum enim sceleratissimus quidam e classia-  
*riorum fœce pœnitens ad pedes eius accessisset, & enormium,* Tursel. in  
*longoque ysu inueteratorum criminum sese fecisset reum;* ho-  
*mini cæteroquin perditio,* Pater & Aue recitandum injunxit pa-  
*ter optimus:* & debitæ à reo satisfactionis onere in humeroꝝ suos  
*sublato, in nemus proximum secedens, flagris tam immaniter*  
*eos proscidit, ut sanguine totus disflueret.* Ita nimirum salienꝝ  
*infirmitati indolebat, ut pœna scelerum in se translatâ, satisfa-*  
*cctionis*

vita S. Xa-  
 uerij. 1. 3.  
 c. 15.

ctionis flagrorumque suo corpori inflictorum fructum, pœnitenti penitus transcriberet : sic nempe, & justitiae Deo debitæ, & misericordiæ pœnitentibus impendendæ, factum est satis. Habent hic quod imitantur in Xauerio rigidi diuinæ justitiae exactores ; seueritatem nempe & benignitatem. Hanc, humano, id est, misero & miserando præsent generi ; illam, strenue alacresque in se exerceant : & non apparebunt tantum, sed erunt vere sancti, cùm sancta hæc facient. Aliis interim Sacerdotibus legem ne importunè dicant ; liberum, & prout ipsis à Christo est concreditum, jurisdictionis suæ exercitium relinquant : neque de eorum prudentiâ multum sint solliciti ; aut se præ iis sapere existiment. Et si sapientes videri volunt, *sapiant* sanè sed ut D. Paulus monet, *ad sobrietatem.*

Ad Rom.  
12. v. 3.

## §. IV.

*Pœnitentia ultronea commendantur. Ac imprimis ostenditur, prorsus rationi conforme esse, ut corpus criminum complex, etiam sit consors satisfactionis, & pœnas meritas luat.*

29. Neque verò hæc eò à me dicta sunt, quasi si carnis corporis que in sua commoda nimium inhiantis, statutum mihi sit patronum agere, illudque pœnis peccato débitis penitus eximere. Aliud enim prorsus est, quid à Judice in Sacramento pœnitenti præcipiendum sit, aliud verò quid sponte suâ peccatorum agere conueniat. Neque dum benignitatem Sacerdotibus commendamus, odium sanctum quod se pœnitens persequatur exercendum esse, imus insicias. Quin ex aduerso, id nunc contendimus, seueritatem peccatoris, judicis misericordiâ debere exacui; & tantò majora à se exigenda esse supplicia, quantò plura, infirmitati humanæ per meram misericordiam, videt condonari, aut ab eâ non exposci. Et hæc quidem Sanctorum hominum fuit antiquissima consuetudo ; corpus seuerissimè affligere, carnem macerare, eiusque petulantiam, ne rursus lasciat, flagris etiam lorisque, asinum in modum, penitus afflige.

*Pœnitentia  
ed gravi-  
res sponte  
assumenda,  
quod mino-  
res impo-  
nuntur.*

V vv gere.



*Non reli-  
gioſis tan-  
tum ſed &  
ſecularibus  
conuenient  
corporis caſ-  
figationes.*

gere. Quod ſi autem innocentissimis viris hæc ad virtutem retenendam, animæque negotium procurandum, præclariflma fuerunt adjumenta; certe non video quā ratione bonā, nos qui tam indignis modis Numen offendimus, ea poſſimus excutere, aut ab iis corpori admouendis, carnem excusare. Enim uero ad eremos folas & religiosa clauſtra amandanda ſunt cilicia & jejunia: iſthic ſcilicet ſunt laſciuiae incitamenta, iſthic ſunt illecebrae, iſthic ſunt homines ex carne compacti & fanguine, reliquum verò orbis virtus inhabitat; ſpiritu viuitur; caro pro rorſus ſubacta eſt, imò extincta; neque quidquam in mortales hoſce, ſanguis aut corporis impetigo habet dominij. Aërij pro rorſus ſunt; & ſic credo non caſtigant cum D. Paulo *corpus ſuum*, ne fortaſſe cūm <sup>1. Cor. 9.  
v. 26.</sup> iſtud impetunt verberent aërem. Certè non ſatis percipio, ex quo capite, major aut D. Paulo aut religioſis hominibus, quām commune genus vitæ ducentibus, incumbat corporis edomandi obligatio.

*Probatur  
ex Itaſwin  
quo omnes  
ſunt.*

Scio equidem multa pro ſe corpus opponere; jam enim adolescentiam & necedum ſatis conſirmatas vires; jam verò morbis afflictas; jam ſenectutem & deuexam etatem; jam molem ne-gotiorum; jam hominum obloquia, & diſteria; jam ſtatū dignitatēque obuoluet; & ſeſe, cūm hæc dixerit, creder egre-giè pro ſuâ cauſâ peroraffe. Reliqua quidem nunc prætereo, aſt iſtud quod de ſtatu iſuſurratur, non diſſimulo. Enim uero quisquis eſt, ſeu Princeps in republiča ſeu vile mendicabulum; an ſtatum peccatoris reipsa non obtinet, aut non obtinuisti ali- quando, aut certe in eo nonne eſt loco, vnde ad eum ſtatum poſſis turpiſſime facillimeque deuoluī? Hoc autem ſiſateris, quā fronte ſatisfactioni te pœniſque exēptum viſ, cūm in eo iſi ſtatu cui pœna illa priorius conueniunt? Satisfactionem inquiſi- Deo non denego; meritas à me pœnas eſſe, lubens conſiteor. At quandoquidem tota, non culpa modò, ſed & omnis pœna pec- catis debitæ, per pœnitudinem animi, actusque Contritionis ſæpius iteratos, condonatio auferri poſſit; vt quid jam de ex- terioribus afflictionibus corpori admouendis ſermo iſtituitur, quaſi priora non ſufficerent ſatisfactioni integræ adminicula? Recte mones: rationem dabo quantocius. Iſtud interim clare video, profecto te corporis tui patronum eſſe egregium, & in malâ cauſâ propugnandâ, cauſſidicuſ non indiſertum. Animæ itaque

*Contra-  
omnem ra-  
tionem eſt  
carnem ſa-  
tisfactioni  
eximere to-  
tamque a-  
nimæ com-  
mittere.*

itaque totum satisfactionis pondus vis imponere; corpus verò penitus eximere: mororibus opplenda est anima, corpus verò desuauandum est tenerimè: & ita demulcendum, vt ne in fletus abeat, & emarcescat. Ita tu agendum censes: at videamus quām perperam.

31. Etenim dic amabo, si fors ita tulerit aut malè agendi libido, *Probatur exempli.*  
vt duo in idem facinus latrociniumūe conspirarint, herus exempli gratiā & seruus, atque unus alteri subsidio fuerit: exinde verò à Prætore comprehensi, ad supplicium à Regio actore postulen-  
tur: an eo in euentu, Justitiæ factum fuerit satis, si herus meritas  
pœnas soluat, seruus interim absoluatur? Deinde, quid si bona  
pars prædæ ex latrocino abactæ seruo obtigerit, an non indignior  
erit castigato Domino serui impunitas? Magis rem vrgeo. Quid  
si longè maxima spoliorum portio seruo obuenisset, & non nisi  
exiguæ, heri vſibus, cessissent reliquæ: quis non justitiæ pluri-  
num detractum diceret, quantumuis heri supplicio vindicatæ?  
Nec hīc adhuc hæreo; vltius promouenda est res. Quid si he-  
rus tam atrox facinus designasset, tantum importunis serui preci-  
bus imò & expostulationibus adactus; conquerentis nimirum,  
nihil sibi dari pro obsequiis impensis stipendii; atque adeò postu-  
lantis, vt suā gratiā latrociniis tantisper operam det, cuius fructus  
pro tot laboribus impensis sibi totus cederet. His, inquam, alijs-  
que instigationibus compulsus herus, manus si dedisset & seruo  
& sceleri: nōne indignam esse planè rem clamarent omnes  
recta sentientes, si hero in furcam abacto, seruus interim malo-  
rum omnium & origo & complex, & vſurarius prædarum, non  
tantum nihil luat, sed & viuat opiparè, bonis incubans male  
partis: iisque, male multato domino, perfruatur interim bellè  
& suauiter? Sane si peccatum est vtrimeque, non distinguantur  
pœnâ rei; & si recte & ex æquo statuendum est aliquid, & pœnæ  
eximendus alteruter, absoluatur herus, puniatur seruus; vt qui  
ex scelere plus retulit commodi, acerbiores etiam à judice pœ-  
nas ferat.

32. Nunc vos appello, judiciumque vestrum exquo. Fertè sen-  
tentiam sed rationi, quā vos præditos esse non ineptè gloriamenti,  
& conscientiæ rectæ non difformem. Plerumque dum patramus  
scelera, Deique mandata dum excutimus, honoris Majestati  
tantæ debiti inuasores injusti & prædones; corporis adminiculō  
*Applicatur comparatio.*

Vvv 2

id ag-

**Corpus fo-** id aggredimur & exequimur : carnem habemus criminum com-  
**r scelerum** plicem: neque exigua ei de confecto scelere cedunt lucra. Quid  
**omnium est** ergo tibi in mentem venit, vt cum facienda est injuria Deo illatæ  
**complex** restitutio, velis prætractè tu, miseram animam male parta gaudia  
 pœnitudine & tristitia eluere ; corpus interim nihil quidquam  
 persoluere; imò & voluptatibus, per summam injuriam compa-  
 ratis, quietè admodum delectari? An non id æquitas exigit, pœnas  
 non minùs infligi corpori, quibus furtuæ voluptates amarescant,  
 quam animæ dolorem inuri, quô malè comparata gaudia tandem  
 desipiant? Quæ demum lex, in eâdem culpâ , complicem eripit  
 supplicio? & cui priuilegio aut fundamento caussam corporis su-  
 perstruis quam temerè propugnas? Carnis fortasse nobilitatem  
 & præstantiam afferes, eique aliquid condonandum dices? Quasi  
 verò nesciremus nos, ex quâ fæce, ex quibus fôrdibus stirpem tra-  
 hat: quasi verò terræ pondus vile & inutile, ex quo erutam jam  
 olim nouimus, omnem memoriam effugisset. Nouimus sanè lu-  
 team originem. Et tu terræ massam nobilissimæ cœlestique animæ  
 audes anteferre, mancipium Domino, lutum spiritui, terram cœlo?  
 Etiam conferre, quæ conditione tam sunt disparata, manifestum  
 est piaculum, intoleranda animæ injuria.

**corpori ce-** Deinde si benè facinus attendis, non complex tantum latroci-  
**dunt preci-** nii fuit caro, sed ejus ferè caussâ commissum est; & præcipua ex  
**pua scelerū** perpetratæ criminis, ad ipsam deuoluta sunt emolumenta. Quid  
**emolumen-** enim? Sanè ut corporis curet cuticulam, faucibusque & abdo-  
**ta..** mini vt sit non male, crapulæ totos dies indulget porator strenue.  
 Corpori vt sit suauiter, libidinibus miscentur omnia. Corpori  
 alendo & exornando ne quidquam desit, per summam injustitiam,  
 fas omne & justum habetur despiciatui, perjurijs & rapinis datur  
 opera, nec quidquam dishonestum censetur quod est vtile. Corpori  
 comendo & exornando, bona pars vitæ impenditur, vt lasciviat  
 nimirum tantò impudentius, quantò sibi videtur elegantius. De-  
 nique corpori cedunt omnia; & huic vt complaceat, abjicit se se  
 anima, & se in omne scelus projicit, neque veretur Deo bellum  
 indicere, eius honorî manus injicere, & diuinæ gazas quodam-  
 modo deprædari. Interim committitur scelus. Peracto latroci-  
 nio, ius suum prosequitur Deus, iniuriæque commissæ satisfa-  
 ctionem expetit. Ita sit inquis tu, facinus deprecetur anima; lu-  
 geat illa, & quod debetur, sanè persoluat. Itanè verò? Et nulla  
 illati

33.

illati damni à corpore reparatio exhibebitur? commodè viuet caro & deliciis quinimo diffluet, eo ipso temporis articulo, quo pœnitens facti anima dolore dissoluitur, & res suas cum offenso componit Deo? Quis tantam inæqualitatem æquus ferat? Et tamen humana iniustiam tam enormen tolerat ratio, eamque, sibi semper indulgens natura, excusat.

*Corpus &  
nimam ad  
peccandum  
inficit.*

34. Verum quantumcumque corpori tuo patrocineris, eiusque caussam mordicus tuearis; quâ tandem ratione id pœnis persoluendis eximes, si legitimè constet, pleraque scelera, ex eo promanare, eoque incentore committi? Quid si ostendero, carnis effrænes appetitus esse, qui voluntatem instigant, verecundiam peccatis admunt, reuerentiam Diuinis legibus debitam infringunt, mentem denique agunt in transuersa, animosque faciunt per summum nefas audendi omnia? Sanè diserte id testatur D. Jacobus. *Vnde, inquit, bella & lites in vobis?* Nonne hinc? ex concupiscentijs vestris, que militant in membris vestris? & clariùs, hominis corrupti personam præferens D. Paulus; condeletor, inquit quidem, *legi Dei secundum interiorem hominem: video autem aliam legem im membris meis, repugnantem legi mentis mee, & captiuantem me in lege peccati, que est in membris meis.* Tantam itaque carnis insolentiam in humanâ naturâ dum agnoscit Diuinus Paulus, non abs re exclamat, sortemque tam miseram deplorat; *infelix, inquit, ego homo!* quis me liberabit de corpore mortis bujus. Expediri se à tam rebelli corpore effictum postulat Apostolus; infelicem se conqueritur tam petulanti carni quod inhæreat; ab hâc bella, ab hâc lites omnes exsurgunt, quibus & Deus impetratur, & infelix anima irretitur: & tamen dum de placando irato Numine agitur, excusatur caro, mulctis eximitur; & quidem, quod est prorsus intolerabile, ab ipsâmet animâ corpus defenditur. In ipsam tota reconciliationis facienda, expiandorumque scelerum moles conjicitur à corpore; & imbellis mens, præmerâ ignauia, factum probat, desiderique carnis mollitiem, quam corpori exprobrare debuerat, rationibus etiam tuetur ut pœna eximat.

*vt quid em-  
go pœna  
criminibus  
debita ex-  
mitur, &  
quidem ab  
ipsâmet a  
nimâ.*

35. Sit ergo prout vis: ingemiscat offensis anima; illam scelerum pœniteat; doloris illa pondus terat, & sic demum pro illatis Deo injurijs satisfaciat: verum de pœnis corpori admouendis,

*Malè pra-  
toxiter car-  
nis imbe-  
cillitas.*

VVV 3.



## 526 TRACTATUS DECIMVSSEXTVS

dis, non fiat posthac mentio, nimis enim tenera est caro, quām vt jejunis eneruetur; vires non sufficiunt abstinentiæ, quæ tamen ad explendam libidinem nimiō plus suppetunt: genitrixes sunt incommodæ: flagra, & cilicia nec nominanda quidem sunt; ne vel ad solam tanti supplicii memoriam contremiscat caro tenellula. Neque de vigiliis quidem aut humicubationibus, frigore aut æstu perferendis, cogitandum quidquam: nimis aspera hæc sunt & immania, nec ea quæ corporis imbecillitati commensurentur. Interim vt Deo rebelleret, corpori nec vires desunt, nec audacia: vt libidinibus vacet, & lasciviat; neque noctes insomnes ducere, nec pro fornicibus, aëris inclemenciac expositum pernoctare, admodum est difficile; jucundum quinimò censetur & lepidum. Sic viuumus; ad scelera fortes & projecti; ad virtutis exercitia imbelles & teneri. Atque hic quidem carnis corruptæ est genius, omnia ad se jucunda trahere, omnia vero aspera à se amoliri; peccati fructum ad se deriuare, satisfactionem verò, cum Animâ nequidem partiri, sed totam ei committere. Age nunc corporis patronे haud impiger; si ratione metiris omnia; edic tandem an hæc ratione consona sit agendi ratio. Et tamen sic passim agimus; corpori blandimur, corpus desuauiamur, corpus defendimus; & contra animam, id est contra seipsum, pro corpore pugnat ratio. An non hæc demum insignis est dementia? Ex quibus omnibus id tandem consilio, complicem sceleris, satisfactioni nullo modo debere eximi; quinimò adiendum vile mancipium vt pœnas det, satisfactionisque fit consors caro, utpote quæ ad inferendam injuriam, operam contulerit ex condicto.

S. V.

## §. V.

Pœna corporeæ, securissima sunt satisfactionis via: nihilque  
iis præstantius ad auertenda irati Numinis flagella, a-  
lioquin infligenda etiam in hâc vitâ.

36. Verum inquies, cùm Contritio seu dolor animi tam eximius  
esse possit, vt non culpæ tantummodò, sed & pœnarum om-  
nium gratiam à Deo referat; cur præter dolorem animi, pœ-  
nam quoque corpori inurimus? Sane contritioni incumbendum  
esset impensius; & quod domandæ exercendæque carni studium  
insumitur, ut iliori longè operâ in actus illos egregios animæ con-  
feretur. Ita quidem tu. Et vt video, constitutum tibi est, cor-  
poris caussam agere, illudque omni prorsus eximere incommo-  
do. Hoc verò si agis, en alteram tibi corporis liberandi pando  
viam, imprimis facilem & jucundam. De satisfactione in hâc  
mortali vitâ Deo exhibendâ, nulla tibi sit curatio; viue hilari-  
ter, & placidi tibi fluant dies; tantum tecum statue, te, quid-  
quid à te pœnarum pro peccatis commissis jure exigitur, in al-  
terâ demum vitâ, purgatorios inter ignes, subiturum, debita-  
que omnia expuncturum isthic fidelissimè. In purgatoriis igni-  
bus sane nihil quidquam patietur corpus; & sic, carnem omni  
pœnae subtraxeris, & tamen satisfactio plena, ea que quæ jure ri-  
gidissimo potest exigi; Numini exhibebitur. Ecquid arridet hic  
ram placidus cuticulae curandæ modus? quin ergo eum rebus tuis  
admoveas? facilior enim hæc longè est satisfaciendi via sine cor-  
poris incommodo, quam si contritionis actibus ciendis vaces;  
quorum reliquæ satis asperæ, non rarò in corpus ipsum solent  
redundare, non sine carnis incommodo. Ut quid igitur tantil-  
lo etiam doloris sustinendi periculo, tam teneram carnem com-  
mittere, vbi tutior est pœnas omnes corporeas euadendi via?

*Contritione  
potest deleris  
omnis pena  
realis.*

*Potest et  
iam pecca-  
tor omnem  
satisfac-  
tione  
nem dif-  
fere ut que  
ad alteram  
vitam in  
purgatorio.*

37. Ne tamen adhuc quidquam præceps statue. An enim, si vel  
Contritionem, vel per ignes purgatorios, pœnis debitissimæ vis satis-  
facere, non vidès illico te argumentis omnibus premi, quibus  
præcedenti paragrapho, ineptiam tuam demonstrauimus? Istud e-  
nim rursus vrgeo, quâ fronte aut quâ mente tu carnem satisfa-  
ctioni

*Sed ini-  
quum est  
nihil ad  
satisfac-  
tione  
nem con-  
ferri à cor-  
pore.*

ctioni subtrahis, sociam criminis; totumque reconciliationis negotium à solâ mente vis confici, cùm corpus etiam, vt mox dicam, non exiguo possit, dissoluendis debitibus, sumptus in commune conferre? Certè symbolam quam potest adferat, & pro rata portione, vbi debita sunt communia, partem soluat: quod imprimis æquum est, & rationi consonum. Ut quid enim ab animâ exigitur, vt ipsa aut mentis aciem ita intendat, vt vnum Contritionis actum, aut certè iteratis vicibus plures excitet, per quos pro pœnis debitibus satisfiat, cùm nec anima sola in ære alieno sit, vt jam sèpius dixi, & cùm præterea non ita constare possit, ecquando interiores illi animi actus ritè efformentur; ac proinde non adeo certus sit pœnitens, an aliquam debitorum partem expunxerit? contrà verò pœnæ corporeæ manifestæ sint & sensu ipso percipiuntur, neque vilam dum à corpore sunt exactæ, satisfactionis, alicujus saltem, Deo datæ, relinquant dubitationem?

Deinde si multiplicatis internis virtutum actibus, tota debitæ pœnæ moles aliquando tandem potest exhaustiri; sanè multò id fiet citius, si duabus ex partibus fiat offendæ illatæ restitutio; dolore scilicet interno animi, & corporis præterea externo cruciatu.

Licit peccato satisfactorij flammis committendâ dicebatur; fateor quidem iis tandem debitorum omnium, quorum post hanc miseram vitam erimus rei, summam expiandam, & quidem usque ad nouissimum quadrantem. Itaque ad hanc tam acerbam, omnibusque quas nobis animo possumus effingere, grauiorem pœnam, si tibi creditorem Deum procrastinare libeat, eoque animam ut debitibus satisfiat amandare; per me id quidem licet. Sed vnde id tibi constat, acceptandam à creditore comperenditionem debiti?

Quis tibi fideiussor fidem fecit, flagra dum adhuc in viuis es, non expediturum Deum, factæque sibi injuriæ pœnas, suâ manu de te non sumpturum, quastu, tam parum de placando Numinis sollicitus, in aliâ vitâ tantum persoluendas, temerariè comperendinas? Differs quidem solutionem tu; sed Deus fortè nollet differri. Etenim id nemo negauerit, plurimorum quæ quotidie nobis ingeruntur malorum caussam, è peccatis non de integrō quoad pœnam condonatis, ortum ducere. Hæc morbis modò, modò fortunarum jacturâ; modò charorum pignorum, vt in Davide vidimus, morte, alijs modò atque aliis immisis cladibus,

feuerum

Et sic sepe in hoc modo peccata condonata castigata.

38.

seuerum Numen jurisque sui imprimis tenax, s<sup>e</sup>pe vlciscitur: neque si in purgatoriis ignibus integra præstanta est solutio, semper ei collibitum est expectare: & sic in præsenti vitâ, per vim quodammodo solutionem extorquet, quam sibi videt sponte non offerri. Quæ cùm ita sint, debitoresque nos agnoscamus; vt quid debiti præstationi intercedimus? Et si corporis commoda amamus tantopere, cur iratam Dei manum non auertimus, dum præuertimus? Nescis interim quâ te parte sit aggressurus Deus; fortè eâ te impetet, quâ maximè dolebit. Quantæ igitur insanæ est, voluntarias, & quas tu tibi feligere potes, pœnas auersari; & se interim offensi Numinis vindictæ committere, cui nihil adeo perspectum est, quâm quâ parte feriendus sis, vt pœna sit acerbior, tibique doleat non perfunctoriè. Itaque tu pœnas tuâ sponte tibi statue: Dei manum præoccupa; & corporis commodo si studes, corpus tu ipse volens castiga, ne castigetur nolente te.

*Itaque tu  
Deum præ-  
ueni casti-  
gando cor-  
pus.*

*Securissi-  
ma hac est  
ad placan-  
dum Deum  
via.*

39. Et vt languorem omnem excutiam, stimulosque subdam tam sancto odio; istud non verebor subnectere, quod fortassis alicui nouum videbitur; non esse alium ad satisfaciendum Deo, iustumque eius manum à nobis amoliendi modum tam expeditum & opportunum, quâm quæ à corporibus voluntariè expertuntur, iisque inuruntur pœnæ. Sic vt neque orationes profusæ, nec eleemosynæ effusæ, neque misericordiæ præstata opera, adeo tantumque satisfactionem promoueant & debitas pœnas expungant, quantum hæc, quæ tantopere commendamus, pœnitentia externa exercitia. Neque aliam dictis rationem affero, quâm Concilij Tridentini indubitatam auctoritatem, & verba mani-  
Trid. fest. 14.c.8. T. habet, dum pœnitentia externa opera Ecclesiæ commendat: neque verd secundum *ulla via in Ecclesiâ Dei umquam existimata fuit ad amouendam imminentem à Domino pœnam*, quâm vt hæc pœnitentia opera, homines cum verd animi dolore frequentent. Ubi autem nulla via est secundum, sanè omnes huic necesse est cedere, & hanc, extra dubitationem est esse securissimam. Egregiam enimuerò amicæ in se crudelitatis commendationem, ingens encomium! quod quidem peccatores miseri, multisque per totam vitam contractis debitibus irretiti, ob oculos habere par est, si aliqua persoluendi ipsis est cura; non aliud esse securum magis satisfactionis genus, quâm quod è corporis afflictione

X x x petitur.

petitur. Adeoque non aliàs magis tibi es pius, quād dum na-  
turā vidēris impius.

## §. VI.

*Etiam si nullæ pœnæ pro peccatis persoluendæ restarent, caro  
tamen afflictionibus exercenda, ob multiplices fructus  
quos ea severitas secum fert. Fructus hi exponuntur.*

*Animus,  
peractis be-  
ne cum  
Deo rebus.  
debet nihil-  
ominus  
corpori sub-  
iraci, il-  
ludque ca-  
stigare.*

**H**actenus de satisfactione exhibendâ, eāque pro ratâ portione  
cum corpore diuidendâ, fuimus solliciti. Altius nunc promo-  
ueo, actionemque corpori indico ulterius. Demus inquam sanè, a-  
nimam ita cum Deo rationes suas instituisse, tantâque pœnitudine  
detestatum fuisse patrata crimina, vt non culpa modò condonata  
jam sit, sed pro pœnis omnibus sic satisfactum, vt nullis prorsus sit  
in debitis, nihilque pœnarum persoluendum restet: an ideo censes  
tu, animam debere corpori acquiescere, quod bellorum omnium &  
litium incensor fuit & origo? Fareor, pax cum offenso Deo jam  
coaluit, res acta est bene & sanè feliciter: verū, an quæ compo-  
nendis omnibus tantam defatigationem sustinuit anima, cum carne  
aget pacificè, per cuius petulantiam turbatum fuit & domi & foris?  
Périculosa profectò, atque admodum temeraria est hæc dis-  
simulatio: malè agetur ab animâ, si agat flaccidè.

*Exponit  
id per ex-  
emplum.*

Etenim si per seruorum ancillarumque inter se debacchantium  
& per græcantium petulantiam & proteruiam, flammas temerè  
per jocum circumductam, ædes conceperint; quæ tandem pa-  
tris-familias industriâ & accurrentium labore sint sopitæ: an, li-  
cet damni periculum discussum jam sit, intempestiuam seru-  
rum ancillarumque procaciam dissimulabit herus, & incendio  
extincto, cum incendiariis amicè aget & placidè? profectò si sa-  
pit, compositâ domo, flammis superatis, tum dēnum iratos  
vultus induet, ancillarumque licentiam meritis pœnis refræna-  
bit, ne rursus per inertem indulgentiam, lasciviandi detur oc-  
casio.

*Alioquin  
corpus ite-  
rum insô-  
lescat.*

Peccator, quisquis es, fatis tibi conscius es, quantis ignibus  
arserit animus; ignibus inquam, qui æternas flamas prouocab-  
ant; discrimini vix eruptus es, lachrymisque quas ex animo  
expressas

40.

41.

42.

expressas tempestiuè adduxisti, sopusum est æternitate totâ duraturum incendium: gratulor imprimis tibi de bene peractâ re. Verùm an incendiarios non aggredieris? impunè illi totâ domo vagabuntur, vidente & injuriam dissimulante te? Vnde enim tam ingens ortum est incendium, nisi ex carnis petulantia, & seruorum ancillarumque plus æquo in tuis ædibus insolecentium, projectâ audaciâ? certè quotquot carni insident affectiones aut passiones, animæ mancipia sunt & ancillæ: hæ totam incendunt animam, impurisque consumunt flammis. Et hoc tu pataris? Conurge in iras aliquando tandem dignas te: ancillarum procaciam, etiam flagris, si necesse est, doma; & discant tandem dominum pati. Sciat caro mancipium esse se, mancipiorum pœnis dum afficitur; non facile redditura in scelus, quod in se sentit non dissimulanter, sed pro meritis castigari. Neque alio modo magis accommodo, mancipium esse se corpus sciet, quam si seruitutis notas, vibices verberum, tergus ferat. Discet profectò tandem caro modestè agere, neque dominæ, animæ inquam, de tam facili insultare.

43. Ne tamen, sic agendo suspiceris agere te crudeliter: misericordiam Dei imitaris; quæ, vt grauissimè docet Tridentinum, post condonatam culpam, pœnas tamen exigit. Ecce inquies? ne nimia indulgentia, relabendi caussam det. *Et Diuinam deceat clementiam*, inquit Synodus, *ne ita nobis absque ullâ satisfactione peccata dimittantur, vt, occasione acceptâ, peccata leuiora putantes, velut injurijs & contumeliosis Spiritui Sancto, in grauiora labamur, thesaurizantes nobis iram in die ire.* Tanta est enim naturæ corruptæ peruersitas, & placidis rebus in omnem insolentiam tam est projecta, vt Diuinam quoque clementiam deceat, non omnimodo esse clementem: quinimò misericordia quoddam genus sit, Deum condonatâ culpâ, remissisque æternis ignibus, peccatori adhuc aliquantulum subirasci. Ne tamen iram nomines: caute-  
la est. Hanc tu, Dei peccata castigantis amicam inclemantium imitare; subigendum est corpus; domandi, quos altos nimium gerit spiritus, pœnisque inflictis continendum in officio, ne per antiquam petulantiam jugum excutiat, & per omnia præcepis infaniat. Nam vt rectè Tridentinum: *Proculdubio magnoperè à peccato reuocant, & quasi frēno quodam coērcēnt hæ satisfactorie pœnæ, cautioresque & vigilantiores in futurum, pœnitentes efficiunt.*

*Seueritas  
illa clementia est.*

Trid. sess.  
14. c. 8.



*Dum caro ciuit.* Nihil verius : nam nullius rei expeditior est memoria ;  
*timet casti-* quām patientiæ. Facillimè in mentem venit id , vnde grauia su-  
*gari, time-* mus perpessi. Pœnarum itaque corpori inflictarum , si perfun-  
*bit peccare.* toriæ non fuerint sed vrgentes, promptissima erit recordatio ; à  
 pœnis autem natura pro genio suo cùm abhorreat , etiam scelera  
 auersabitur , è quibus supplicij de se sumendi data est occasio ;  
 neque deinceps erit caro ad audendum insolens , vbi pro audaciâ  
 timet castigari : præsertim si experientiâ fuerit edocta , animum  
 pro imperio agere , majoresque admoturum corpori pœnas , si  
 perget insolescere. Atque hic est pœnarum sponte suscepta-  
 rum fructus eximius , futura nimirūm scelera resecare ; & corporis  
 sui semper tumidi , semper rebellis , dominium exercere & quidem  
 despoticum.

*Fructus*  
*primus pa-*  
*nientia*  
*corporis.*

*Fructus*  
*secundus.*

Alter qui ex spontaneis afflictionibus carnis fructus petitur , 44.  
 est vitiorum per socordiam , aut etiam per scelera contractorum ,  
 egregia medicina. Præclarè id rursus Tridentinum , *medentur*,  
 inquit , *peccatorum reliquijs* , *¶ vitiosos habitus maledicendo*  
*comparatos* , *contrarijs virtutum actionibus tollunt*. Sic nimirūm ,  
 consueram oculorum petulantiam corriges , eos continendo per  
 vim , vbi aspiciendi quæ grata sunt datur occasio : gulæ , vbi ma-  
 teriam subtraxeris , jejuno medeberis : luxuriæ carnisque impe-  
 tigini , admotæ pœnæ facient medicinam : non adeò quod corpo-  
 ris vires infringantur , spiritusque lasciuæ detrahantur (non enim  
 tam eximias pœnas à quoquis passim exigi satis scio ) sed quod  
 contrariis actionibus decrescant paulatim vitiosi habitus , qui pau-  
 latim vires sumpserant , naturæque quasi altera natura adhærebant .  
 Deteritur nimirūm contraria agendo vitium ; & prout creuerat ,  
 jam decrescit.

*Fructus*  
*tertius.*

Adde , quod cum summum submissionis genus sit , fla-  
 gris mancipii adinstar cædi ; & nihil adeò inter homines  
 censeatur humile & inglorium , quām verbera inultum pati ;  
 sanè tam contemptibili ratione agendi dum caro excipitur , de-  
 tumescet ancillæ fastus , & discet tandem meminisse conditio-  
 nis suæ.

*Fructus*  
*quartus.*

Quid , quod tam egregia de corpore relata victoria , nouas  
 easque eximias à Christo dandas gratias promeretur , qui bus im-  
 butus animus ea tandem vitia superabit , pro quibus debellandis  
 tantæ & tam crebræ exantlantur pœnæ ?

Denique

45.

Ibid.

45.

46.

47. Denique ut caput hoc finiam : Accedit ad hæc, inquit Tridentinus, quod dum satisfaciendo patimur pro peccatis, Christo Jesu qui quintus pro peccatis nostris satisfecit, ex quo omnis nostra sufficientia est, conformes efficimur; certissimam quoque inde arham habentes, quod si compatimur, & conglorificabimur. Pudeat sane segnem esse verum peccatorem, vbi tanta in corpore innocentissimo sceleribus nostris eluendis perperclus est, qui peccatum non fecit, peccatorisque similitudinem assumpsit, absque peccato, tantum ut pro peccatoriis moreretur, moriendoque satisfaceret.

## §. VII.

*Exponitur quibus pœnis corpus affigendum sit. Et quomodo à Deo corpori immisæ misericordie acceptandæ sint, ut per eas pro peccatis satisfiat.*

48. Excitata sunt fortasse quorumdam studia: illudque sibi clarè edici postulant, quæ tandem sint afflictiones ex, è quibus tam præclari animo fructus obueniant. Verùm ingrata corpori dum commemoro, nescio sanè an magna mihi præstantia sit audiencia: nam quantumuis medicinæ oblatæ præstantiam æger approbet; ejus tamen, si orexi aduersa est, memoriam exhortsit. Cùm autem de perdomandâ carnis petulantiâ mentionem fecerim, credent multi, me Sanctissimorum hominum prouolutum exempla; qui sancto quidem, sed admirando odio corpus persecuti, illud seueris modis pertractarunt: neque relatâ quamvis victoriâ posuerunt arma, donec rebellantes quotidie carnis impetus, quotidianis etiam præliis aliquando tandem debellassent. Tremunt hîc, sat scio, quorumdam aures, & jam flagella aut loris aut funiculis intertexta; aut catenulas; aut virgarum ictus audire sibi videntur, quibus, innocentissimi quamuis homines, corpus quotidie exceperè; non aliàs ab incepto supplicio destituti, donec sanguine toti disfluerent. Timent alii, ne cilicia sensu horrida, aliaque pœnarum instrumenta in medium profaram; quibus dum carni male est, ejus impetigo eneruatur. Quid verò si jejunia commendem, ablegatasque delicatores epulas; iis tantummodo admissis, quæ non delicias faciant, sed necessaria

Pœnitentia  
quædam  
grauiores  
exponuntur.

tantum conseruandæ vitæ præstent alimenta? Quid si humicubationes laudem, aut culcitras stramineas, aut etiam meros afferes; quibus corpus temerè injectum, non tam somnum capit, quām patiendi assiduam habet materiam? Quid si per Diuorum tempora supplications nudis pedibus, iisque dissimulanter supernè obiectis institutas afferam? Quid si denique genuflexiones in multas horas, cum summâ corporis defatigatione protractas, aliaque, etiam auditu horrida, commemorem?

*Malè ius à  
quibusdam  
obtenditur  
corporis in-  
firmitas.*

Obganniet, sat scio, indignabunda caro: pœnas has ad eremos amandabit; suâque se infirmitate inuoluens, vires oneri imparés obtendet, & miranda hæc magis esse dicet, quām à tam imbecilli naturâ imitanda. Neque verò hæc etiam promiscuè suscipienda assero. Verùm etiam istud, quod promiscuè de corporis infirmitate, valetudineque infringendâ socordiæ prætexitur, audire prorsus nolo; rideo ego tales sanitatis patronos oppidò intempestiuos. Constat enim sexcentas eos nugas facere, vt gulæ seruant, vt libidinibus indulgeant; quibus profectò longè magis valetudini officiunt, corporisque infringunt vires, quām si affligendæ carnis petulantiae operam darent gnauiter. Vido passim, imbecilles foeminas, tenerasque virgines, summam vim corpori inferre: istud premere & coarctare, frigora seminudas perpeti, aliaque incommoda fortiter sustinere, vt ne videantur illepidæ. Atque hæc quidem earum valetudini non nocent; prorsus tamen defecturæ sunt, si peccatis eluendis, corpori tam tenero adhibendæ sunt pœnæ. Quis ista non rideat?

*Earum  
prudens sit  
vñus.*

Neque tamen hæc dico, quasi si passim, & quotidie seueriora corpori admouenda sint supplicia; non enim viri, etiam sanctissimi, ea, aut omnia, aut quotidiè in se exercuere. Commemorauit tamen singula, vt quisque quædam felicitat, suo tempore adhibenda. Scimus enim quot septimanis, vnum jejunio posse seponi diem; scimus, per sacras quadragesimæ ferias, aut Sanctorum festorumque insigniorum perugilia, demum cùm major aliqua gratiæ à Deo impetrandæ vrget necessitas; quædam ex recensitis pœnis, sancte & magno cum fructu corpori admoueri, quæ toto anno infligerentur fortasse non tantum incommodè, sed etiam imprudenter,

49.

50.

Verùm



Verum si seueriora hæc valetudini verè non conueniant, minora quædam sunt quæ carni non admodum officiunt, & tamen emolumento etiam maximo, præsertim iterata sæpius, adhibentur. Oculos v. g. in templo per quadrantem contine, nec quidquam nisi terram aspiciant. Duobus tribusue lautioribus bolis dum comedis abstine, aut sale aut ferculo quo maximè delectaris; idque non quotidie, sed aliquando & dissimulanter. Rarus dum genuslectendum est, quam facile inæquale pavimentum eligitur, cui non longo quidem tempore, sed per quinque Pater & Aue, corporis aut tota aut dimidia moles incumbat? Et quid si aliquamdiu nuda sint genua, an hoc adeo erit difficile? Denique si expansis in crucis modum brachiis, in conclavi preces fundas, Deum supplici corporis habitu in misericordiam inflectas, delictisque veniam petas, an quidquam erit quod corpus opponat, & de imbecillitate suâ conqueratur? quis hæc non potest, etiam puer? Et quamuis exigua videantur ista non nemini, dignaque quæ contemnuntur; fructus tamen secum affrunt eximios, præsertim sæpius iterata. Assuescit enim hoc modo corpus animæ morem gerere; & quæ sentit quotidie imperia, tandem reueretur. Dominum nempe discit metuere, cuius manum experitur, non procul à se abesse. Sic eques nonnumquam frænum retrahit, & lorum equo modestè infligit, etiam dum nulla aut non magna vrget necessitas; vt sensu lori, quamvis exiguo, edoctus equus meminerit se Dominum ferre non somnolentum, sed qui etiam bene progredienti inuigilet.

52. Præter has tamen, quæ sponte infliguntur, pœnae aliæ sunt numero infinitæ (quid enim est misera hæc quam ducimus vita, nisi dolor assiduus perpetuusque cruciatus) quæ licet liberum non sit assumere, liberum tamen est iis piè sancteque assentiri. Deus bone, quanta hic se offert pro peccatis satisfaciendi materia, ô Peccator, si eâ dexterè noris vti! thesaurus hic se nobis aperit oppidò diues nec facile exauriendus, vnde debit is expungendis affatim existat copia. Eum autem contemnimus, quia premium ignoramus, aut potius nescimus premium dare.

53. Thesaurum hunc si inquiris, non longè is petendus est; ad numerum prostat; ei innascimur, eum incolimus, eique tandem immorierum. Miseriæ humanæ hæ sunt, quas corpori euadere cum non datur, datur tamen bene pati. Ad triplex ferè rediguntur genus. *Primum*

*Triā misericordia humana-  
rum genera-  
ra.* *mum est*, quotidianus qui omnes quoquot viuimus, vrget la-  
bor; defatigations corporis & animi, quæ omnibus subeundæ  
sunt, vt quisque munere suo defungatur: has sanè effugere om-  
nino non possumus. Quid autem commemorem quæ conjugio  
junctis sufferenda sunt incommoda? mulieri quidem vt fœtum  
gerat, infantem curet & nutriat; viro autem, vt necessaria do-  
mui alimenta procuret? Neque dubitandum est peccati hæc ef-  
se supplicia, jam olim in Paradiso à Deo per sententiam illam  
fatalem, & numquam oblitterandam lata, *In dolore paries filios,* Gen. 3.  
& rursus, *in sudore vultus tui vesceris pane tuo.* Statutum id est  
omnibus omnino Adæ filiis, à quo cum origine, traximus &  
peccatum & peccati justa supplicia. *Secunda patientiæ materia,*  
est aëris cælique intemperies & inconstantia. Nunc siccii sunt  
dies, nunc pluuij; nunc frigore torpescunt membra, nunc ca-  
loribus aduruntur; & tota interim patitur, imo dissoluitur et-  
iam paulatim, artuum compago & corporis machina, *Tertia*  
denique, sunt morbi corpori cuique proprij, non acries tantum  
& periculosi, & qui valetudinem prorsus labefactant; sed etiam qui  
sensim sine sensu corpus inficiunt, quosque languentes trahi-  
mus. Capitis item aut dentium dolores; podagræ arrosiones;  
calculi tormenta, & cœtera eiusmodi quæ carnem non mo-  
dicè excarnificant, memoremque faciunt mortalitatis suæ.

*Per misé-  
rias huma-  
nas datur  
satisfactio,  
si patienter  
tolerentur.* Quid inquires? an ea quæ necessitate patior, & à Deo pecca-  
tis castigandis immissa mihi sunt supplicia, possum ego in com-  
putus referre, & pro pœnis debitiss, solutionis vice repræsentare?  
Potes enimuerò; & hoc est, quod thesaurum nominarim. Deus  
ea in solutionem recipiet, si tu noueris tua facere, quæ manu aut *Trid. fest.*  
vi pateris alienâ. En Tridentini Concilij, Dei mentem expli- 14.c.9.  
cantis, euidens effatum. *Docet Præterea* ( Sancta Synodus )  
*tantam esse diuinæ munificentie largitatem*, ut non solum pœnis  
sponte à nobis suscepitis, aut Sacerdotis arbitrio pro delitti mensura  
impositis; sed etiam, quod maximum amoris argumentum est, tem-  
poralibus flagellis à Deo inflatis, d' à nobis patienter toleratis,  
apud Deum Patrem per Christum Iesum satisfacere valeamus. Quid  
à Deo potuit fieri munificentius, aut liberalius offerri? Flagella  
ab ipso inflata, & hæc quæ natura secum fert mala & incommo-  
da, sufferenda sunt etiam ab inuito: nec quidquam tibi Diuinæ  
gratiæ demereberis, ita dum pateris. Quin ergo ex malis ipsis  
fortunam

fortunam nobis fabricamus , & merendi materiam facimus , quæ cœteroquin futura sunt mera supplicia ? Patienter modò feras quæ euitare non potes , & Deo facis satis.

55. Si verò quæris patienter ferre quid sit , respondeo id quidem non esse , non sentire molestias quæ feruntur , sed eas velle ferre , prout in 1. parte Artis semper gaudendi fusè explicuimus , locum si placet consule . Paucis dico . Primi quidem quotiescumque mala hæc aut incommoda ingruent , manum castigantis te Dei supplex aspice , & factum proba . Deinde cum Dauide istud proclama . *Quoniam ego in flagella paratus sum ; quoniam iniquitatem meam annuntiabo , & cogitabo pro peccato meo semper . Atque hoc est patienter tolerare ut loquitur Tridentinum , id est voluntariè suscipere , quæ non voluntariè inficta sunt mala . Tertid denique seuerus obiice reluctant corpori , non esse quod queratur ; justa inferri supplicia , meritisque longè inferiora . Sic & carni moderandæ frænum iniicitur , & Diuinæ justitiæ satis fit .*

56. Cùm itaque manum admoues operi , largusque disfluet è vultu sudor ; tum verò animos arrige , corpori seruitutem exprobra , & hæc esse ad quæ natum est . Si frigore algeat , si calore dissolutur , dic illicò , mansuetè adhuc secum agere offensum Deum . Si capit is aut stomachi aut dentium dolores vrant ; Eia inquies , patientur membra , per quæ peccatum est ; doleat caput quod nimium intumuit , spiritusque ponat : doleant dentes & male sit ori , quo toties aliena arrosa est fama , & discat tandem sapere malo suo . Si podagræ cruciatibus distineris , hæc dicas petulanti belluæ vincula conuenire , ne rursus in præceps abeat . Cetera , in hanc tem quæ sint , facile suggeret , corporis sui compos animus , si ei statuerit non obsequi , sed strenue dominari . Atque in hoc pœnatum genere sufferendo , non facile errabitur , cùm non propriæ inferantur voluntate , sed Diuinâ . In iis verò quæ sponte propriâ assumuntur pœnis , quæ , quantæ , & quomodo corpori ingrendæ sint , non est meum id generatim decernere ; cùm & alia aliis sit membrorum firmitas , alia in aliis carnis impetigo , alia denique atque aliæ rerum circumstantiæ ; quæ singulæ considerandæ sunt , vt prudenter , quid cuique competit , statuatur .

57. Istud generatim dico , non nimium abblandiendum esse corpori : plura sufferre potest asinus quam præ se ferat . *Adhortatio* *Dum fœnas*  
Y y y

nas caro, jugum excutit: vagari vult, non coërceri: & dum fe-  
rendo imparem sele fingit, mentitur splendidè; obmurmurat,  
tantum ut decipiatur. Sanè, iterum id ingero; pœnæ sit socius,  
qui consors fuit culpæ. Itaque Paulinum istud intorqueo, quod Ad Rem.  
quidem arbitror esse justissimum, Sieut enim exhibuistis membra <sup>6.v.19.</sup>  
*vestra seruire immundicie & iniquitati ad iniquitatem, ita nunc*  
*exhibete membra vestra seruire justitiae in sanctificationem.* Injusta  
fuere quæ Diuini honoris patrata sunt latrocinia: hisce faciendis  
exhibuistis membra vestra. Justa est quæ à Deo petitur honoris  
reparatio, justæ quæ exiguntur pœnæ. Justum igitur est ea ipsa  
membra exhiberi ut seruant justitiae in sanctificationem. Ha-  
ctenus & oculi impudici, & lingua pecculans, & cor foedis amori-  
bus æstuans, & caro lasciviens quid quæso fuere, nisi *arma ini-* <sup>Ibid. v.13.</sup>  
*quitatis*, quibus Deo per summum nefas indictum est bellum; a-  
nima verò pessimata, ac prorsus prostrata? Vides nunc, si  
quidquam vides, quām sit actum imprudenter. Justitiae facien-  
dum est satis. Itaque arma arripe, Deique caussam propugna  
strenue, imo & tuam. Arma hæc, sint posthac membra tua,  
hæc sint, vt ait Paulus *arma justitie Deo.* Manus erige, vt cor-  
pus impetas; genua, vt illud in terram prosternas; oculos, vt ei  
libidinis incitamenta subtrahas; gulæ carnisque appetitus, vt eos  
frangas; sensum, vt illud excrucies, debitisque etiam priues com-  
modis. Et sic tandem sciat superba caro, & Deum esse quem of-  
fendit, & animam cui subiicitur; & tandem ea quæ miseræ naturæ  
præstantur commoda, non tam deberi, quām indulgeri.

*Corpori bco-* <sup>58.</sup>  
*nè sit, cum*  
*exercetur.* Quod si autem, more suo, corpus obmurmuret, & de rigore nimio  
conqueratur; tum istud, vt ne planè deficiat, cum D. Bernardo, ei in-  
susurrabis. Quid adhuc murmuras misera caro? quid adhuc recalciras, <sup>D.Bern.</sup>  
*& aduersus spiritum concupiscis?* An non hæc, & verò etiam longè <sup>ser. 2. de</sup>  
grauiora meruisti? toties rebellis, toties mendax, toties perjura dū  
morem te Deo gesturam promittebas, quid tibi nunc vis credi? sanè  
subiicit Sanctus Pater, si te humiliat toties à te decepta anima, si  
redigit in servitutem, id profectò in tuo genere non minus tuā interest,  
quam ipsius. An non id potius est & illi & tibi, pacifice agere, & a-  
micum Deo viuere, cuius iram nemo nisi malo suo exacuit? Causam  
tuam agit anima, dum agit suā. Propterea, vt alio loco egregiè monet <sup>D.Bern.</sup>  
idē Sanctus, noli, o corpus, noli precipere tempora: potes impedire anime <sup>ser. 6. de</sup>  
tue salutē, tuā ipsius operari non potes. Igitur, patere ut nunc anima pro  
se laboret. Magis autē etiā collabora; quoniā si cōpatoris, *& conregnabis.* <sup>Aduca.</sup>